

閩書


七十九
八十一
八十二

			九	漢
		一〇	〇	書
		一〇	七	門
四	一	三	三	
冊	架	函	號	類

庫文閣內			
九	九		漢
函	〇		書
一	七		
五	三		
架	冊	號	類

內閣文庫	
番號	漢 9073
冊數	40 (24)
函號	292 86








閩書卷之七十九

英舊志

縉紳

福州府

福清縣



唐科第

大和四年庚戌林簡言

咸通二年壬午王棨

乾符二年乙未鄭隱

大順二年辛亥陳鼎

乾寧三年丙辰翁承贊

按承贊興化人收入莆田今按宋志承贊居蒜嶺界於莆

田故興化以爲莆人

閩書

卷之七十九

英舊

一

翔

光化三年

翁承裕

承贊弟

薦辟賢者雜見列傳中

有傳

林簡言

王榮

鄭隱

陳鼎

陳燦

林簡言字欲訥慕韓退之之爲人上書自通所著有漢武封禪論其詞曰仲尼以季氏旅泰山爲僭漢武封泰山非僭歟無其位無其德爲事僭也有其位無其德爲事亦僭也又聞封泰山報成功也斯皆德稱乎位者爲之若宓犧神農者也若軒轅顓頊者也若堯舜禹湯者也漢武封禪奚慕哉秦乎宓犧平秦政

封禪二代而滅固不可慕也若以宓犧堯舜爲心亦宜昉伏羲堯舜之道以所行之道侔之乎彼茅茨不翦而木不呈材豈曰侔哉彼舞干兩階而黷武窮邊豈曰侔哉彼用夔典樂而李延年進豈曰侔哉彼設謗木而捕人誹死者豈曰侔哉在漢武計宜罷去不侔行其侔者已行之則卿大夫行之卿大夫則國人行之夫如是雖不封禪而宓犧堯舜之德之美自至矣柰何取司馬相如諛佞遺草內欺方寸外欺千古矯名竊德冒烟雲躡凌競封泰山禪梁父好商辛夏季之好迹宓犧堯舜之迹季氏之僭安可逃乎昔齊

桓公議封禪管夷吾用他辭罷之以其無帝王之位故也無德無位相去幾何倘漢朝有人如管夷吾應用三脊茅以藉口不使其君與季氏等官終漳州刺史

王棨字輔之咸通二年及第復中宏詞科陳黯為序送之曰麟之聖龍羽之瑞鳳鳳非四翼龍非二首所以異者惟希出耳蓋是時最重宏詞科也累官水部郎中

鄭隱字伯起累辟府幕有時名

陳鼎大順中及第為校書郎有時名

陳贛字德宣歷水部郎中早歿榮寵歸彌勒小隱巖讀書其中

宋科第

景德二年乙巳翁緯承贊從曾任孫處朴子

大中祥符元年戊申劉天錫

八年乙卯林高

九年丙辰童子舉 蔡伯倫四歲應舉

景祐元年甲戌林槩高子試禮部第一 翁鑑承贊孫

寶元元年戊寅翁彥升承贊玄孫

慶曆六年丁亥陳固 黃子春

皇祐元年己丑李敷 劉處約 天錫再從侄是科縣志尚有知礪王碩

五年癸巳許原

嘉祐二年丁酉林開 高侄 林希 槩子省試第一 林旦 槩子 林

裴 高侄

四年己亥林邵 槩子 林顏 槩子 王伯虎

諸科 鄭暈

八年癸卯倪箴 楊冠卿

治平四年丁未鄭俠 暈子

熙寧六年癸丑夏臻

特奏名 林格 承贊侄乾度之玄孫

九年丁巳劉詵 處約子

元豐五年壬戌特奏名翁績 承贊仍孫

元祐三年戊辰鄭侃 暈子

特奏名 黃傑

六年辛未盧彥達 方甸 李諭 敷子 林虛 希子紹聖

二年復試 林辯 斐子 林迪 格子 陳噩 固子

特奏名 翁希愈 承贊玄孫

紹聖四年丁丑李圖南 諭兄 蔡鞏 林處 旦子

元符三年庚辰陳材 林適 格子殿試第四人 倪登 丘朝

俊 林仲堪

崇寧二年癸未劉詢處約子

五年丙戌陳國材 劉彥適誥子省試第一人 姚合

特奏名 鄭汝石俠子

大觀三年己丑卓俊 黃惟深 全琮

政和二年壬辰林摯棐孫 李接 高若虛 石蕪

陳浩然國材族弟

五年乙未鄭載文 陳丕顯 翁子禮承贊後

特奏名 林搏

重和元年戊戌夏之邵臻子 黃祖堯豫子 張大卞

夏之文臻子 林聰 陳允功

二年庚子釋褐 吳舜鄰

宣和三年辛丑陳良顯

特奏名 林大東

六年甲辰陳洪範 黃祖舜祖堯弟

特奏名劉國鈞

建炎二年戊申特奏名林大榮

紹興二年壬子陳若冲 黃顏榮

特奏名 鄭良臣侃子

五年乙卯林上達 劉詮處約從弟

八年戊午高澐若虛子

特奏名 劉侯圭 侯亞弟

十二年壬戌王祥 後歸莆田許氏改名公順 林玠 林栗

十五年乙丑黃巖肖 林昌言 許文剛 李材

十八年戊辰吳利見 縣志又有林光祖

二十一年辛未李元禮

二十四年甲戌李昂 元禮從弟 林文潛 聰侄

二十七年丁丑林介 昌言子 張栴

特奏名 陸雋卿

三十年庚辰鄭永年 汝石孫 商份 鮑旂 高衡夫

林英

三十二年壬午登極恩上舍釋褐 陳簡

隆興元年癸未黃洽 第二人 商侑 份弟 張可速 林楠

仲堪孫 鄭椿年 永年兄

乾道二年丙戌陳僖 國竹從侄 劉潮 彥適侄孫 張可宗 可速弟 章

次郇 鄭煥 林資深 適姪 黃朋舉 鄭棠 鄭

獲 林中

五年己丑陳震之 高南壽 灑侄 林棣 仲堪孫 林丙

林廷瑞

八年壬辰游士衡 潘元震

淳熙二年乙未陳少臯 林穎 旦姪 楊掀 姚宗虞

陳聰 陳宗召 吳桂 陸伯正雋卿子

五年戊戌鄧林 王方 鄭鑄 林懋 陳震

朱木 任燁 吳竿

特奏名 鄭暮俠曾孫

八年辛丑兪南仲 林備 潘涓

特奏名 商俊份第

十一年甲辰林瑑第二人通孫 林叔起 陳子冲 林

璟瑑兄 林復之 林瓌瑑兄 夏允中 劉夔 薛

夢熊一作孟能

十四年丁未方沂 商侑份第 朱金殘 林煒子

紹聖元年庚戌林振仲堪曾孫 卓石 林灼 劉植 鮑

旂 潘梅 馮欽 鄭牧之 徐次鐸

四年癸丑劉之邵國鈞曾孫 鄭牧 林昱

博學宏詞陳宗召

特奏名 劉八成之邵兄

慶元二年丙辰林清之楠子 林僖文潛族 王淑貫紹興府 葉

子高貫慶元府 劉宜之

五年己未敖陶孫 林孝聞 陳大雅 陳貴誼

宗召 劉沐潮弟 林圃 林申

嘉泰二年壬戌陳絃 鮑介然

博學宏詞科陳貴謙宗召子

開禧元年丁丑丘師陶 劉龐八成子 姚直夫 吳當

可竿子

嘉定元年戊辰孫德輿第二人 林獲 陳子是聰子字去非

志作去非 林文昂 陳起

博學宏詞科陳貴誼復中

四年辛丑陳祐孫 林良顯僖弟 林樞楠兄

七年甲戌林倚 林炎楠族 陳紇 顏惟直 鄭

厚

十年丁丑林珪仲堪孫 陳伯昂 林宇烈 姚亨震

十三年庚辰陳景明 劉厚 林公慶

十六年癸未林明之仲堪孫 林杲 陳棐 林濟

林琥 林炎中孫

寶慶二年丙戌林宗邁 林杞 林克國 林洪源

良顯子 鄭師申 馮端榮

特奏名 林石第一

釋褐 劉卿月 林任 鄭斗祥 鄭仕謨

紹聖二年己丑林公度公慶弟 劉應東潮孫 丘元龍師陶

侄 高建翁 彭霆震 彭寅夢午弟 林公志公度弟

四年辛卯釋褐 林公俊公志兄

五年壬辰黃鈞 鄭益祥斗祥 林經德

特奏名 游夢開士衡

端平二年乙未林希逸昌言曾孫 許一鳴第四人

特奏名 林夢庚復之子

嘉熙二年戊戌劉發 彭夢林 顏公起 徐華老

徐夢發華老弟

特奏名 王宗合第一

淳祐元年辛丑劉英發卿月 朱伯奇 沈金煥 蔡

應龍 林藩 林登 林時龍 翁涇老績 高霆

特奏名 陳松

四年甲辰鄭格 林疇 陳全干 卓石 許俊

第 馬欽 林振祖

七年丁未林夢疇 范處義 林希道希逸從弟 夏闖

午

特奏名 林宗益

十年庚辰陳君宓 陳西應 林仲仔

寶祐元年癸丑郭時中 陳彙夫 陳立翁彙夫子 林

自慤 林福翁 林公明 林泳希逸子 林黃一作黃圖

四年丙辰鄭君薦 許自 陳龍濟 劉午道

章贄 王體文 李周翰 陳卯東立翁侄 郭陳庚

開慶元年己未陳介 林嵩 陳逢鯉 張雷震

林方春 林象祖

景定三年壬戌陳巖石 介子 陳庭芝 絃孫 王鵠 林

友龍 盧龍應 丘應申 林登龍 林申旦

咸淳元年乙丑陳介 林圭 林君榮 潘應真

四年戊辰陳卓 林用中 郭拱龍 陳昇翁

鄭巖 陳奚 章采 次郇曾孫 莫崙 林應申 張敬

簡 林濬 經德子 林以弼

七年辛未何君弼 高應嵩 王堯佐

十年甲戌林名喜 陳堅 林襲龍 林海 希逸族

翁歸 承贊十二世孫

薦辟人材任子賢者雜見列傳中

有傳

林高 子槩 暨子旦 姪開族晟 晟子用

孫穎 蔡伯倫 王伯虎 從子伯起 鄭俠

魯孫椿年 劉詵 翁績 林適 子奕

奕子璟 環 璩 璩子公遇 倪登 黃祖舜

陳若冲 黃顏榮 林栗 林昌言 魯孫希逸

黃洽 高南壽 孫紹 陳宗召 子貴誼

鄧林 潘涓 朱金發 俞南仲同傳

敖陶孫 林珪

侄振

林學聞 張宏圖

孫禮輿 林獲合傳 馮端榮 鄭格 林公珙

林高字子羽裔出莆九牧葦有適者為福清尉因家焉適子仁侗奉禮郎仁侗子仲雅年十四能誦詩太宗召見授奉禮郎累殿中丞高舉進士為欽州推官念父母春秋高安其鄉里不肯出乃從事漳州泉州興化軍終養踰二十年乃出知建平縣縣多盜能使獄無一囚遷秘書丞徙蜀縣以疾辭遷太常博士以子槩代蜀官高得知武進縣改高郵縣除屯田員外郎而槩卒自陳臣有子先臣亡臣當州判老矣願監泰州稅至泰而請老高天性慈惠毀譽不動好義薄利著書數十卷其言多似孟子

槩字端甫年二十四舉甲科為秘書郎當代父之蜀而改知剡縣縣多宿猾捕逐殆盡邑廬相戒令雖年少不可犯也改知長興縣縣大饑富人蘊米邀價槩出俸粟庭下召諭富人長老曰人飢甚我不忍食爾不宜飽有能振者蠲而役振不能至者勅吏廩其家開學校置生員躬飭之日入而夜歸漕帥上治行第一康定元年以大理丞出知連州州當廣南邊郡秦尉陀聚兵自守漢武誅建德兵出桂陽下湟水故地

槩嘆曰湟關一塗也隋始此限中國漢復此通百粵何其無常守哉因爲之銘曰母徂侵伐以尚武功毋僥得喪以爲汗隆爾教爾育爾勤爾恭舉億兆姓納之心胸關河芥蒂敢噎其中而選蠻籍土民柵要衝購徭人使守禦州以無流寇又上封事言行陣無法而出於臨時將無素備而取於倉卒軍不予權而監以宦侍若是者雖得古之人材使循今法亦必屢敗請倣唐府兵法四歛一民部以爲軍閑爲耕人甲則皆兵因命其家咸得蓄馬私乘休暇官爲調習則人便于戈馬識行列不報徙淮安軍言蜀饑願罷川峽

曹發常平粟貸民租募富人輕粟價除商旅之禁使通貨相資慶曆七年遷太常博士集賢較理以歸省親卒于途所著史論百篇辨國語四十篇曾鞏志槩母墓稱槩以文學名天下槩道卒不能歸其妻家于吳生四子曰希曰旦曰邵曰顏希歷同知樞密院邵寶文閣直學士贈太師顏直秘閣光祿卿贈少師而希宋史有傳及顏多貶詞其獨稱者旦

旦字次中令象山以文學爲政有疾而邑人有以割股療之者熙寧中繇著作佐郎主管淮南常平擢太子中允監察御史裏行居臺五月上書曰王安石以

李定素出其門聽其不服生母喪擢在君側爲崇政殿說書遂使朝廷之上經筵之間寘一不孝之人何以儀刑天下以此罷守故官久之幹當奏院陳繹領門下封駁又據其前論罷之累年乃簽書淮南判官入爲太常博士工部考功員外郎元祐元年拜殿中侍御史疏言廣言路然後知得失達民情然後知利病竊見去歲五月詔求讜言士民爭欲自獻及詳觀詔語約束丁寧使不得觀望迎合犯令干譽終至必行黜罰以恐懼之名雖求諫實則拒言臣聞此詔乃蔡確章惇造端其詞盡出於惇今二人旣去其餘黨

常懷醜正惡直之心願深留宸慮以折邪謀遂論呂惠卿鄧綰雖罷揚州猶蒞小郡小郡之民奚罪焉乞投散地以謝天下又言近彈王中正石得一等雖已薄責得一所責肘腋小人如翟勅之徒亦宜編削詔並降支郡管校又論崔台符賈種民舞文深酷之罪皆逐之出爲淮南轉運副使歷右司郎中秘書少卿太僕卿終河東轉運使子處膚處見裔派膚坐元符上書陷黨籍

開高姪爲秘書給事所傳者王命秘訣一卷

晟字美中仁侗世孫弱冠有文名爲胡安定弟子元

祐選文學假官副館閣較對御前書籍侍臣薦晟與其選子玉勝當晟較對時王勝尚幼實助之間辯疊豐館中目爲濟南生玉勝二子俊民朝价俱以明經聞

用亦晟子以薦假承事郎甫銓注蔡攸提舉秘書省薦以校勘力辭攸託其戚龍圖許份訪之乃佯狂歸隱于巖山與諸子講業所著經濟要覽爲左丞葉夢得歎賞

穎字叔嘉隆興間爲博士弟子憤湯思退唱和議率同官伏闕攻之謁呂祖謙聞孝弟之教幡然歸養父母歿廬墓終制淳熙初第進士廷策以復境土斥權倖爲對繇安溪簿錄事累太學博士切復虜仇欲城唐鄧爲沔漢藩籬屯海泗爲江淮保障出師襄蔡以噉秦楚分兵商汝以圖陝洛條策十二未獻而卒其論經史騷傳及雜著十餘種

蔡伯稀字景蕃四歲應童子科試誦真宗御製歌詩即日授守秘書正字真宗賜詩曰七閩山水多奇俊三歲奇童出盛時蓋伯稀名爲四歲齒未三週尋宣赴東宮侍仁宗皇帝讀書元符初以司農卿致仕年八十七矣凡食祿八十一年伯稀伴讀東宮戲圖村

民蒿目菜色真宗適見而問對曰臣所居瘴鄉其人皆然帝歎久之程伊川上太皇太后書周公輔成王使伯禽與處真宗使蔡伯旆侍仁宗乃師古也乞擇臣僚家子第十歲上十二下端謹穎悟者三人侍上下左右則伯旆端謹可見建陽志稱蔡元定爲旆後人

王伯虎字炳之初登第授建州司理州有疑獄久不決乃命撤械伏于庭幃其廳而潛聽之囚互相各質其是非明日訊之衆相顧驚服出其濫罪者四人從子伯起

伯起曾祖仁績見韋布伯起少遊京師授經於王安石石學文於曾鞏樞密曾孝寬聞其賢延館之奏授將仕郎試國子監簿以假承務郎授嚴州教授力辭不就解官歸自號西室先生一時名人若江公望陳瓘皆與友

鄭俠字介夫父暈同五經出身終通直郎俠少隨父官江寧讀書清涼寺閉戶苦學時王安石以舍人居憂聞而竒之使其徒楊驥往依俠學雪寒俠讀書過夜半拉驥起登閣望雪酣賦浩然他日驥爲安石誦之安石嘆賞其漏隨書卷盡春逐酒瓶開之句循環

言下將應舉俠贊業安石安石益加稱獎治平四年
登進士釋褐授將仕郎秘書省較書郎調光州司法
叅軍安石服除起知江寧府相見愈厚及俠赴州安
石入叅大政君臣相遇最爲得時州有疑獄數事俠
盡心持讞多所翻易傳奏附記安石安石省其詳明
報下無不如請新法之行民間不以爲便俠雅重安
石平生以堯舜君民自任深感知已欲盡忠告秩滿
不復移命遂爲入都之行時熙寧五年春也俠所過
田父野老必從訪問新法利害答者無一人言是至
京齋戒具書以見安石安石甚獎之時初行試法之
命選人中者補京官俠再見安石安石謂俠明習法
律年少精敏欲屬用之俠固辭三見而問近何所聞
俠畧言青苗免厲數事與邊鄙用兵俠心之私不無
區區安石不答左右遽請退自是不復得見頃時時
奏記門下反復極言安石皆不報鄉人張勸聞而責
俠曰丞相勉介夫試法甚善介夫不從抑何矯也俠
曰朝廷新立此科以待文法練習之士俠非素學祇
因浮光有四五疑獄所司議法不當俠推考翻究因
爲丞相所喜丞相見謂明習故使試法不知令式格
律千條萬貫實未淹通一蒙相知遂苟進取是以不

能爲能俠雖餓乞不敢爲也久之得監京師安上門
往辭安石安石殊恚曰却受監門去丞相以春社還
繇本門禮當迎揖俠揖道左安石惻然面加慰勞明
日有客道意欲用爲試法如前俠對如其所以荅張
勸未幾朝廷設修經局安石命子雱辟俠簡討使其
侄壻黎東美以告俠曰某素無學問若使備員簡討
猶試法也因以媿詩書謝丞相他日黎生復來諭安
石意曰凡入仕且要改得一京官然後可別圖差遣
何得介僻如此俠曰俠自浮光入京本求一席地執
經丞相門下耳初不知官有美惡崇卑不意丞相一

旦當路發言輒先官爵丞相誠欲援俠區區所言行
其一二使俠進而無媿榮孰大焉黎生去後數日復
來問何事欲言時免行市利等稅錢京師下戶商旅
尤以爲苦俠覩其害言於丞相數矣至是又具書并
陳青苗免役等弊因黎生獻之未幾令下小夫裨販
者免充行舊稅重者十減六七其大者將謂以次施
行已而竟寂無聞亢旱日久自六年七月至明年三
月不雨兩河關輔大饑流民不問貧富扶老携幼趨
熟東南或茹木實草根朝廷遣使賑卹率隱實數十
不奏一饑民皆取糠麩合米爲糜逋負青苗免役者

益衆督迫益急至有斬桑棗賣室廬以償官身被縲
械捐木負瓦累然於道俠度安石終不可諫迺圖其
流離困苦之狀上疏曰臣伏觀去年大蝗秋冬亢旱
迄今不雨麥苗焦枯黍粟麻豆粒不及種旬日以來
米價暴貴群情驚惶十九懼死方春斬木竭澤而漁
大營官錢小求升米草木魚鱉亦莫生遂蠻夷輕肆
敢侮君國皆繇中外之臣輔相陛下不以道以至於
此臣竊惟災患有可召之道無可試之形其致之有
漸而來也如疾風暴雨不可復禦流血藉尸方知喪
敗此愚夫庸人之見耳所貴聖神爲能圖患未然轉
禍爲福也方今之勢猶可救療願陛下開倉廩賑貧
乏罷諸有司一切歛掠不道之政庶幾早召和氣上
應天心夫君臣際遇貴乎知心以臣之愚深知陛下
愛養黎庶均於赤子卽位以來一有利便靡不舉行
陛下之心亦欲人人富壽躋之堯舜三代之隆耳而
中外之臣畧不推明陛下此心乃肆其叨憤割剝生
靈侵肌及骨使之困苦亡聊陛下所存如彼羣臣所
爲如此不知君臣際會欲作何事古之人敲訕不忘
其君匹夫匹婦咸欲自盡以質其上今臺諫具位不
敢言事左右輔弼之臣又皆貪猥近利使抱道懷識

之士皆不欲與言豈時然耶抑陛下使然陛下以仁聖當御撫養爲心而群臣所以和之者如此夫非時使然抑陛下所以駕馭之道未審耳陛下以爵祿駕馭天下忠賢而使之如此甚非宗廟社稷福也夫得一飯於道傍則皇皇圖報馘飽於其父則憐不知德此庸人之情也今之食祿往往如此思慮不出其位尸祝不待庖人至邦國若否則知而不言君憂國危飽食馘觀若視路人之疾而曰吾各有守天下之事非我憂也以臣所聞則不其然君臣之義父子之道也故食其祿則憂其事位有高下忠無兩心凡以移父之孝從事於此也是以不避萬死冒訴天闈臣聞南征西伐者皆圖其勝捷之勢山川之形來獻闕下料無一人以四方之民質妻鬻子流離散徙斬桑棗折廬舍賣於城市輸官糴粟遑遑不給之狀寫圖上聞者臣謹以安上門逐日所見繪成一圖百不及一但經聖覽已可嗟涕而况數千里之外如陛下觀圖行臣之言十日不雨乞斬臣宣德門外以正欺君謾天之罪如稍有濟亦乞正臣越分言事之刑俠發馬遞於銀臺通進司投進稱爲警奏仍自劾擅發馬遞之罪時韓維判銀臺通進司爲俠取旨特蒙放罪神

宗覽書閣圖長嘘數四夜寢不寐翌日命韓維同開封尹體量免行錢每歲所須外並放又命三司使曾布體量市易放稅務及諸門稅錢三千文以下市利錢二十文以下大開倉庾糶濟命殿前司及熙河路具軍興以來兵籍之增減三司條析治平以前與熙寧以後費入之實數簿責三路民物流離之因又有旨權罷青苗免後又罷追索方田保甲之類凡十有八事民間謹呼相賀四月戊辰朔下責躬之詔以四事求直言辛未大雨凡二日夜自俠上疏至是終浹日也癸酉神宗早朝群臣賀雨畢出俠諫疏與圖宣

示宰執因誚之曰卿等言法度修明禮樂興行民俗恬泰堯舜三代莫之或先今何至此王安石等皆皇恐謝罪神宗因問安石鄭俠是何如人安石對曰嘗從臣學是日安石不入中書遷定力寺求出於是中外始知前日所行皆繇俠也一時儉佞切齒爭言或謂俠狂易或謂詆毀或謂擅發馬遞直奏驚御或乞寬俠極法先是擅發馬遞事已放罪至是復下開封府取勘俠自引罪乞不治遞兵是時臣庶多欲直言闕失聞皆沮退唯司馬光輩一二文字得達上前儉佞之黨日假名投匭乞留王丞相堅守新法治俠狂

妄已而熙河小捷呂惠卿鄧綰之徒乘此言於神宗
曰陛下數年以來網羅英俊忘寢廢食成此數事天
下方被其賜一旦用狂夫之言罷廢殆盡豈不輕耶
至相與環泣帝前于是新法牢不可攻矣安石既辭
位出知金陵薦呂惠卿代已卽除叅知政事拜職之
日風霾黃土翳席逾寸俠又疏言安石雖去惠卿復
用事雖不同勢豈小別且陛下能保惠卿終無背安
石耶奏入不報西師屢動無功俠言中國與四夷猶
井上之與井底井底之人欲出而已井上之人豈有
欲入者哉部虜之中風沙晦冥齧草飲水寒則皴裂
暑則暍死日夜思中國之樂而不可得而中國者子
女玉帛之所聚文章禮樂之所出食稻梁衣文錦決
無入蠻夷之心者也然則居井上者當存安井底之
人然後井上可得而安也今大兵之入諸部虜人相
率捍禦謂之賊兵夫中國謂虜爲賊今亦賊我豈非
掠人赤子奪人畜產動與虜同耶彼驅而來者猶拔
井底之人出之平地此驅而去者猶擠井上之人赴
之井底屢戰屢敗復何疑哉俠所言反覆累數十紙
皆細書密行神宗覽罷屬熙河獻捷殺戮甚衆爲之
惻然手詔諭王韶等但行招安毋多殺戮餘黨諸姦

患俠上奏不已遂取開封所勒馬遞事行下刑部罰銅十斤取旨勒停本候郊霈調官出京俠從定力寺謁秘閣較理王安國安國迓勞曰君獨立不懼可謂賢者俠曰嚮俠屢言丞相望丞相更變一二不意卒無所改乃出金陵豈俠區區之心耶俠復取唐書魏徵姚崇宋璟及李林甫楊國忠盧杞傳爲兩軸題其一曰正直君子社稷之臣事業圖其一曰邪曲小人容悅之臣事業圖迹在位佞臣欺君誤國之事暗合林甫輩而反於姚宋者以顛標題復爲書上之不報俠懷不能已復言陛下獨立無臣非無臣也無大臣也方今天旱民流百物失所四方背侮兵革不息動曰天數若此而爲大臣則屠沽僕隸其誰不克又謂方今諫臺如芻靈木偶及大臣誣對東南有鷲子田以處三路之流民及被甲登殿之事皆條畫言之望水輿登宣德門宣示臣庶所言是耶乞斬臣以塞流言之路執政大怒言於神宗以爲謗訕追毀出身以來文字送汀州編管上問呂惠卿鄭俠一小臣耳青苗免役事容與道路聞之如被甲登殿禁中君臣對面之語何聞之速且詳也惠卿對曰俠前後所言皆韓絳馮京手錄禁中事使王安國持示令俠言也時

絳與京素不喜惠卿所爲惠卿諂事安石安國深嫉之故惠卿斧中焉於是絳辭位一日朝罷神宗問京曰卿大臣也朝事不便胡不自言乃委曲令鄭俠言之彼小臣耳而論列大體略行貶竄物論便謂不然京惶駭對曰臣故昧俠平生神宗意未決京退御史知雜張琥劾京備位輔弼結交小人謗訕朝政京奏乞追回鄭俠以寃虛實於是命追付御史獄俠行至陳州矣搜俠橐中裝得銀三十星諫疏二帙皆先朝名臣奏藁及韓范司馬等所言新法不便事者題曰楊君見贈楊名忠信時爲御史臺知班嘗應四月一日詔書言新法不便俠監門日忠信來謂曰御史臺不言足下一監門耳上書不已是言責在監門御史臺無人也探懷中書授俠曰以此爲正人助而三十星銀則度支王克臣方憂居聞俠被逐潛修贖於俠者是時御史皆惠卿黨必欲文致京與安國之罪京素不識俠見其數感慨言事屢對判簡院丁諷稱之俠每遣門人吳無至詣簡院投進文字諷輒咨嗟嘆服而京實未嘗使安國持禁中事轉授俠也崇班有楊永芳者與俠隣居屢言新法不便俠與之言可聽矣故俠得聞禁中事蓋得之永芳於是永芳無至忠

信及王安國皆赴對獄成中丞鄧綰知諫院鄧潤甫等請抵俠於死神宗曰俠之忠言亦自可嘉但送英州安置勒停馮京罷叅政以諫議大夫知亳州丁諷落職監無爲軍酒稅王安國坐稱獎俠非毀其兄及借奏藁追毀出身以來文字放歸田里楊忠信吳無至道州編管二人皆真決王克臣楊永芳各奪一官謫居逾十年哲宗卽位會赦復官朝士蘇軾孫覺虞太寧相與疏薦時安國已死薦及安國子旂已就除俠泉州州學教授秩滿諸臣願留州奏得再任元祐八年丁通直憂服除授泉州錄事叅軍元符元年准勅再送英州編管徽宗卽位大赦東歸知廣州朱師復上表薦俠有旨復官又除泉州教授崇寧元年改差監潭州南嶽廟未被勅復追毀前命勒停時蔡京在位也五年八月復將仕郎許叙用而俠不復出矣俠在英州取所居山名自號大慶居士自言其學以孔氏爲宗叅之老釋而後大明還鄉更號一拂居士謂歸田所存一拂而已宣和元年忽夢客有稱鐵冠道士遺之詩蘇子瞻也寤而嘆曰吾將逝矣作詩二章以授其孫而卒邑中長老諸儒揭其間爲鄭公坊圖像祀於縣學建炎間郡守江常復升而禮於府學

鄉先生祀堂是時朝廷方錄元祐忠讜之後邑人林
 適薦其孫嘉正授房州文學高宗特賜迪功郎山陰
 縣尉寧宗嘉定六年宣教郎太常博士劉靖之議謚
 請謚曰介俠所讀書清涼寺處後人名為介公讀書
 堂嘉定十四年摠領商碩即堂肖像名一拂先生祠
 皇朝萬曆二十年應天府學諸生請重修之
 歲以春秋祀曾孫椿年又有裔孫南仲為昌化簿
 椿年字春卿知南劍州修學舍廣生徒政尚平易吏
 民率服

劉詵字應伯父處約殿中丞詵精通樂律歷莆田簿

知廬江縣崇寧元年以大樂之制不叶置講議局博
 求知音之士為之以為講議司簡討官進軍器大理
 丞四年初置大晟府典樂官詵上歷代雅樂因革及
 宋制作之音又言周官大司樂禁淫聲蓋孔子所謂
 放鄭聲者今燕樂之音失於高急曲調之詞至於鄙
 俚恐不足召和氣宋火德也音尚徵徵調不可闕臣
 按古制旋十二宮以七聲得正徵一調惟陛下裁取
 徽宗曰卿言是也宜為朕司之大觀中頒大晟樂於
 天下及脩樂書政和班新燕樂詵所制也他日禁中
 出古鍾二召詵按於都堂詵曰此與古太簇太呂聲

協命取大晟鍾扣之果應又曰鍾擊無餘韻不如石
聲詩所云依我磬聲者言其清而定也復取合之聲
益諧歷宗正鴻臚衛尉太常少卿纂績因革禮卒誅
居母喪盡孝有雙芝生墓子彥適廣西經略使再知
徐州

翁績字熙載以特科爲奉議郎政和末上書言夏人
無故請和金人趙良嗣董才來降生邊隙乞斬二人
以篤信好不報遂飄然南歸渡江老於白嶼之上宣
和初年童貫使熙河經略使劉法帥師伐夏死貫以
捷聞績哭以詩曰千里寒沙遺白骨一番新鬼哭黃
雲儉生同惡終相蔽安得忠誠達聖君著有天山十
議子亢見帝布

林適字述中祖格建州司理兄迪福州教授知餘姚
縣適未冠國子監第一人元符三年甲科第四浮湛
十餘年丁母憂廬墓甘露再降宣和間知南劍州治
尚清簡每言五刑之屬三千一言以蔽曰罪疑惟輕
又舉范忠宣言私事膽小公事膽大爲訓靖康元年
福州兵害其帥擁衆數千道出南劍適遣司錄謝如
意諭以禍福縛斬巨魁二十餘人建炎元年張邦昌
伏誅削其元符甲科名籍陞適爲第三人每舉王彥

章云豹死留皮人死留名而稱其為忠義第一時詔
 錄熙寧元祐忠謹後適以縣人鄭俠聞因追贈官其
 孫苗劉之變適為中書舍人不失節思陵嘉之三年
 以中大夫徽猷閣待制知福州兼福建路安撫使初
 嘗提舉常平至是人以為鄉邦盛事次年奉祠歸里
 進寶文閣待制知廣州終龍圖閣學士開國子贈少
 師有妙峰集四十卷子挺

挺字仲成蚤失父兄田廬蕭然刻意自勵以遺恩授
 監稅為漳浦丞因母老乞祠歷福建提舉司幹辦常
 守職爭是非不以小官有所屈知潮陽縣州符造戰
 艦而不給一錢挺條不便守怒譙讓遂藏符束擔欲
 去會詔寢其事知沅州治蠻徭以恩信而守備不廢
 秩滿諸臺上治行方中年力求祠歸病革猶曰平生
 無他憾獨掛冠不早耳積階奉直大夫爵開國男
 子三人璟瓌瑑同第進士

璟字景宋知靖安縣廉仁得民疾北屋禱祠卒行路
 相吊歸罷市祖送同僚遣子護喪子公度南劍判官
 瓌字景温簿江山丞仙遊教授沅州歷知陽朔萍鄉
 爭發常平粟由澧陵入湘江以餉襄師為縣人乞免
 和糴所議處置常平粟使者陳貴誼奏行於諸州鄭

性之爲守察而異之遷通判靜江府知容州年餘乞祠端平改元性之簽樞密薦瓌爲軍器監簿或言其不可致除知寶慶府辭至再除直秘閣予祠淳祐改元年八十矣侍郎李韶言瓌高年清節進直煥章閣予祠祠凡十任苦貧自若其時出者或竟老死及多貶議惟瓌巋然無異論卒年九十子公奕泉州通判孫文之見韋布

瓌字景良少入太學登甲科第四教授鄂州三爲轉運幹辦秩滿有旨待掌故執政欲攬授辭歸四年不通問執政以他屬久之除吏部架閣嘉定初除國子正遷武學博士諸王宮大小教授輪對言當發內帑省掖庭裁戚畹覈貂璫及破數十賊吏家寧宗嘉納之改國子博士請外知興化縣監司按產配民藏楮瓌屢請期寬之督者多猝至又預示爲備比去無犯者而楮價自增郡多名刹鬻寺取財名曰實封逐僧沒穀名曰拘椿瓌悉罷之且蠲稅有差改知全州擢廣西提點刑獄引疾不拜改知袁州疾愈矣爲辭遠節而就近麾不可也力請祠凡四任寶慶初召再辭除寶章閣予祠年七十一卒于公遇

公遇字養正初棄任子父強之補寧化尉不忍捨朝

夕養竟乞祠母沒與其第公選侍父瑑服勤跬步左右夜闌燭跋猶未忍退珠每謂家食雖貧至樂也父喪服闋調建州戶曹復辭不就營精舍日寒齋研思道理方劑古今事閨門雍睦周給宗黨里閭相倣薰善良一時名公卿屢薦不起李韶復薦之朝廷重違其意淳祐六年復改合入官主管仙都觀仍下福州給札條所欲言言臣素屏早衰因而退處本無高論足當優禮尚書以聞不允又言義無可取拙不能言願得瞑目爲山林民命未下卒年五十八公遇學兼儒釋不專以名家每焚其所作僅存求心錄石塘閒話別稿貧士良女二吟雜詩文百餘篇屬續留詩別故人遺言以隱服歛葬而書曰處士林公墓次年朝表其門曰寒齋高士之家景定四年邑人林希逸追舉其賢詔元官進贈一官予謚曰文隱第公選子同俱見韋布

倪登字彥及宣和中朝講大夫以取燕雲奉使沒於王事贈大中大夫有論語解行世

龔祖舜字繼道累任至軍器監丞入對言縣令付銓曹察授曷若委郡守權守尚書屯田員外郎徒吏部員外郎出通判泉州將行乞於科舉外訪求抱道懷

德之士不應書于祿其老布學行修明孝友純篤者縣薦之州州延之學以表率諸士其尤異者以名聞朝是亦古鄉舉里選之意留爲倉部郎中遷右侍郎中權刑部侍郎兼詳定勅令司兼侍講進論語講義命金安節校勘安節言其書詞義明粹下國子監板行累官權刑部侍郎兼侍講知樞密院事祖舜立朝侃侃形論奏有冒覬恩幸者悉力排之秦檜死其黨資政學士楊愿家乞遺表恩檜子煒贈官太傅皆爲祖舜駁議不行金亮犯淮大將劉錡病不能軍諸將王權劉汜退敗高宗怒欲誅權汜祖舜曰將敗軍罪不可赦然劉錡有大功于國家若聞而憤死得無快敵心高宗嘉納之卒于官謚莊定祖舜所著論語講義朱文公多引之其他易詩禮說及歷代史義凡數萬言

陳若冲字德用通判廣州以經學詞章爲注彦藻柳彥質李邴趙鼎所著有藍溪集

黃顏榮字全仁有六經解易春秋論語說莆人多宗之稱蘗山先生而林栗傳其學

林栗字黃中舉進士調宗仁尉教授南安軍薦爲太學正守太常博士孝宗卽位遷屯田員外郎皇子恭

王府直講金人請和約爲叔侄之國且以歸疆爲請
栗言前日之和誠爲非計然徽宗梓宮慈寧行殿在
彼爲是而屈猶有名焉今日之和臣不知其說宗廟
之讐事以弟侄其忍使祖宗聞之無唐鄧則荆襄有
齒寒之憂無泗海則淮東之備達于真揚海道之防
徧于明越矣爲今日計宜停使勿遣各守分界休息
生靈孝宗懲創紹興權臣之弊躬攬權綱不以責任
臣下栗言人主蒞權大臣審權爭臣議權王侯貴戚
善撓權者也左右近習善竊權者也故人主常患權
在臣下必欲收攬而獨持之然未有能獨持之者也
要在使人持權而不以權與之收攬其權而不肯獨
持之至有以鹿爲馬以雞爲鸞之語方奉對時讀至
人主患權在臣下必欲收攬獨持孝宗稱善栗徐曰
臣意尚在下文執政有訴於孝宗曰林栗謂臣等指
鹿爲馬臣實不願與之同朝乃出知江州以吏部員
外郎召冬至有事南郊前期十日百執事聽誓戒會
慶節有旨上壽不用樂迨宴金使乃有權用樂之命
栗以爲不可致書宰相不聽乃乞免充舉冊官以狀
申朝廷曰若聽樂則廢齋廢齋則不敢以祭祖宗二
百年事天之禮今一介行人而廢之天之可畏過於

外夷矣不聽無皇子慶王府直講有旨令二王非時
招延講讀官相與議論時政期盡規益栗疏言吾祖
宗所以輔導太子諸王惟以講經讀史爲事若使議
論時政則是對子議父古人謂之無禮不可不留聖
意除右司員外郎遷太常少卿除直寶文閣知湖州
朝辭言漢臣賈誼號通達國體其所上書至於痛哭
流涕者考其指歸大抵以一身之病諭天下之勢臣
見今日國體於四百四病之中名爲風虛其狀半身
不隨是也自淮以北皆吾故壤而號令不能及正朔
不能加有異於半身不隨者乎非但半身不隨而已
半身存者凜凜乎畏風邪之乘而不能以自安也嘗
聞之醫曰真氣不充滿於半存之身則無以及偏廢
之體故欲起此疾者必禁嗜欲節思慮愛氣血養精
神使半存之身日以充實則陽氣周流脉絡宣暢若
恣於愈疾不顧其本百毒入口五臟受風風邪之盛
未可卒去而真氣之存者日以耗亡故中風再至者
多不能捄臣愚有感於斯竊謂賈誼復生爲陛下言
無以易此知興化軍移南劍除夔路提點刑獄改知
夔州加直敷文閣坐處施思二州蠻洞事鐫職罷歸
既理寺追究事白詔栗累更事任清介有聞復直寶

文閣廣南西路轉運判官就改提點刑獄又改知潭州除秘閣修撰進集英殿修撰知隆興府除兵部侍郎朱文公以江西提刑召爲兵部郎官既入國門未就職栗相見與論易西銘不合遂遣吏部趣之文公以脚疾請告栗遂論文公本無學術徒竊張載程頤之緒餘爲浮誕宗主所至輒携門生十數人習春秋戰國之態妄希孔孟歷聘之風繩以治世之法則亂首也今采其虛名將置朝列而聞命之初遷延道途邀索高價門生迭爲游說政府許以風聞然後入門既經陛對得旨除郎輒懷不滿傲睨累日是豈張載程頤之學教之然也望將熹停罷以爲事君無禮之戒孝宗謂其言過當而大臣畏栗之強莫敢深論獨太常博士葉適言考栗之辭始末叅驗殊無一實宜絕其欺罔以扶善類於是侍御史胡晉臣劾罷之出知泉州改明州奉祠卒謚簡肅栗強介狷急攻詆名儒以快私忿至其疇昔論事雄辯經畧有才亦別是一流人物

林昌言字俞仲令惠安厝日者張仁作漏室以天地相去凡八萬一千三百九十四里周天凡五十一萬三千六百八十七里日月循環冥冥難測皆不逃乎

涓滴爲籌三十有八以驗晦朔弦望遲疾出沒無差毫釐仕終通判曾孫希逸

希逸字肅翁號靨齋師事陳藻藻之學出於林亦之亦之出於林光朝其授受遠有源委初爲平海軍節度推官以清白稱淳祐中遷秘書省正字因對乞信任給諫又乞早決大計以慰人望理宗皆開納歷翰林權直學士兼崇正殿說書以直秘閣知興化軍下車首詔學者自南渡後洛學中微朱張未起以經行倡東南使知聖賢心不在訓詁者自莆南夫子始初疑漢儒不達性命洛學不好文辭使知性與天道不在文章外者自福清兩夫子始學者不可不知信從也因爲三先生祠祀之併錢其遺文以傳南夫子者林光朝兩夫子亦之藻也景定四年舉亦之藻爲有道之士及林公遇幼承父澤奉親不仕並乞褒崇詔有司爲三人樹表書謚並祀之學宮希逸官司農少卿終中書舍人所著有易講春秋正附篇老莊列口義攷工記解竹溪十一稿子沫歷興化倅國子監丞劉克莊序希逸詩宋自光朝三傳至希逸比之于師槁而華矣散而密矣嚴而紆矣搜索如象罔之求珠斷削如巨靈之施鑿經緯如鮫人之織綃及其得手

應心也簡者如虫魚小篆之古焉協者如韶鈞廣樂之奏焉偶者如雌雄二劍之合焉

皇朝郭萬

程曰自道學興辭命多鄙光朝之門獨爲斐然閩自楊氏道南蓋光朝可接羅李之宗惜時儒未深知者至希逸而亡傳矣

黃洽字德潤賜春官第二未臨軒賜第二人及第授紹興觀察判官除國子博士改差浙東安撫司主管機宜文字繼爲太學博士樞密院編修官通判福州奉祠召爲太常丞請外孝宗謂洽厚德且任以事不許當對奏三事孝宗爲矍然繇秘書郎遷著作郎行

除右正言侍御史會水旱頻仍因祠祭上言洊歲荒歉之由必有未盡契神祇之心者陛下宜夙興默想專精在民身雖法宮心則壇壝孝宗特詔諸路奉行荒政不虔差官按視洽亟奏淮浙江東見有常平使五人以五使分五路尚慮不周知今時遣一人兼二三路不過閱圖帳戶口多寡地里遼邈安能遍歷莫若專責常平尤得精察舉職又奏藝祖懲藩鎮偏重之失不欲兵民之權聚於一夫之手今使主兵官兼郡寄是合民兵權爲一旦屬邊徼偏重尤甚皆見嘉納除右諫議大夫孝宗方銳志肄武洽因諷諫言願

之大象君子以慎言語節飲食言語飲食猶且謹節而况其他允筋力喘息之間一有過差皆非所以養天和也孝宗曰卿言無非仁義忠孝朕常念之洽在經筵言人主當任賢相則朝廷尊廟社安宰相當進君子則庶職舉天下治孝宗首肯再三曰卿如良金美玉天弼朕耶除御史中丞奏荐舉請託必競於宰執臺諫之門若宰執臺諫不爲人覓舉使士大夫咸自率厲豈不甚善果知其人露章以薦亦何不可潭州奏強盜應配者坐加後流洽曰強盜異他盜以故爲也若止髡役三年之後圈檻一弛稀突四出善良受害可勝數耶孝宗深然之除叅知政事孝宗曰卿每告朕用人今居用人之地矣因商榷除目洽亦罄竭無所顧避孝宗大喜曰五十年無此差除知樞密院事累章求去許之除資政殿大學士知隆慶府光宗受禪特詔言事洽奏用人爲萬世不易之論臣前以此納忠壽皇今敢復告陛下屢乞歸田尋昇提舉洞霄宮慶元二年致仕常言居家不欺親仕不欺君仰不欺天俯不欺人幽不欺鬼神存五不欺何用求福卒贈金紫光祿大夫兩朝推洽質直端重以爲名臣有文集奏議八十五卷

高南壽赴省試道出衢州憇大樹下有一男子投繯掛樹而尚喀喀惡採活之云是開化弓手尉逸一妾遺跡捕之知其爲他郡牙僧轉賣欲辦取贖欠錢三萬空手歸白必加怒譴不如死也南壽傾囊如數與之是歲中科調尉開化到官詢其人死矣州有兇盜劫巨室州督捕甚峻南壽獨步小亭旋繞無計忽有拜塔下者驚問何人曰公無怖某鬼也而公曩歲所活我大木下者知寇所在直來告公盜方醉卧郭門外神廟也南壽勒部曲出門鬼導於前而果得盜被賞格改京衛擢知奉新歲旱乞減已年以求霖雨白連帥賑廩勸分朱晦庵守南康告糶奉新南壽謝曰被髮纓寇方救同室晦菴初亦怪其過糶後乃曰吾屬皆如高南壽政復何憂

孫紹乾道中任瑞金訓導清慎有爲興學舉廢

陳宗召仕至工部尚書嘉泰間上言臣之鄉邑土瘠民貧物貨不產商賈靡至而墾山種菜果漁海造鮭鯨之屬以自給海口鎮在縣東另有墟市縣鎮往返不過負挈貿易旣稅于鎮矣逕港縣南又置窩稅焉又稅于縣焉二十餘里三稅不已重乎稅之隸縣者日數緡隸州與漕者日各四十緡而已官府利源之

廣豈與赤子較毫末哉臣以爲罷之便議中格後其子貴誼爲禮部侍郎時乃成之

貴誼字正甫舉進士授瑞州觀察推官丁內艱調安遠軍節度掌書記辟差四川制置司書寫機宜文字中博學宏詞科授江南東路安撫司機宜文字遷太社令改武學諭國子錄遷太學博士時議更楮幣法貴誼輪對言人主令行禁止者以能同民好惡楮券更法乃使姦惡獲逞道路咨怨非所以固結人心因授熙寧新法爲辭又言明銳果敢之才足以集事而失於劇輕老成寬博之士足以厚俗而失於循理孰若舉之以衆取之以公主更幣之法者乃摘新法等語激怒時相史彌遠且謂貴誼引類植黨人爲危之遷太常博士以兄貴謙兼禮部郎官引嫌遷將作監丞兼魏惠憲王府小學教授輪對謂言路雖開觸犯忌諱者指爲好名切劘時政者指爲玩令利害關於天下是非公於人心一人言之未已或爲累十數人言之則又指爲朋黨是非易位忠佞不分彌遠益不樂遷秘書郎出知江淮軍提舉江西常召赴行在未至授禮部郎官屬金人大擾淮蜀貴誼指陳時弊大要言人才倖進直言不聞賄賂公行軍法不振又言

婉順巽從者是美政也宜屏之外之矯拂揀正者藥石也宜用之聽之彌遠滋怒諷言者論罷主管崇禧觀起知徽州召授司封郎官兼翰林權直兼玉牒所簡討會有事明堂首引包拯皇祐中乞因肆赦除聚斂剖尅之弊做成周邦饗必及死王事者之子與漢置羽林孤兒專取從軍死事之後教以五兵理宗卽位以爲宗正少卿兼侍講兼權直學士院尋遷起居舍人寶慶初詔舉賢能才識之士貴誼言世以容嘿滯固爲賢以苛刻生事爲能以褊狹趣辦爲才以輕疏嘗試爲識及茲初政當求忠實正直奉公愛民知禮義廉耻而不越防範者以充中外之選遷中書舍人升兼直學士院內侍濫受恩賞輒封還詔書將郊貴誼以民生實艱吏員尚衆征斂幾於奪取公費掩爲私藏宜大明黜陟庶有以見帝于郊遷禮部侍郎仍兼中書舍人權刑部尚書兼給事中端明殿學士簽書樞密院事紹定六年理宗始親政進叅知政事面諭之曰頃聞憂國之言朕所不忘兼同知樞密院事出師汴洛時貴誼已移疾上疏力爭五上章乞歸轉四官加邑封致事卒贈少保資政殿大學士謚莊定

鄧林字楚材年十五以詩義魁鄉校十六游江湖與
 辛棄疾善又為周必大客淳熙五年登第調泰和簿
 一時名公如陳傅良戴溪朱熹呂祖謙皆與交游凡
 三上書於朝其略曰今朝廷無元氣中國無生氣士
 大夫無英氣故夷狄客氣擣虛而入陰陽沴氣乘間
 而起大意皆譏切朝政時朝議欲授以中都幹官或
 曰鄧林若在中都謗議之府也遂授石城丞有虛齋
 集行世

潘涓字普之知銅陵縣折服豪強儉於用度

朱金發字振仲以文詞知名嘗作天人相與之際論

陳傅良見之曰福清有二仲謂俞南仲朱振仲也淳

熙中擢第官龍巖簿有史論三卷南仲字山甫亦淳

熙中第

敖陶孫字器之父夢於陶穴中見二人奕而與之子

母陳氏陳祖于陶正因而名陶孫焉少貧僦儻以材

自奮淹貫載籍為文立就言言竒奧而氣骨渾壯淳

熙庚子年二十七鄉薦第一律賦海內傳誦下第客

吳中從者如雲巨室名族迎致講席已入太學皆以

通儒宗之紹熙甲寅朱文公在經筵本趙忠定所薦

韓侂胄構之以難立講予祠陶孫送之詩言當年靈

壽杖只合扶孔光蓋知忠定亦從此殆矣及慶元丙辰忠定死謫所作甲寅行哀之語不涉侂胄且藏稿不輕出或爲律詩托以行無敢聞之侂胄者京尹丞趙師罕輩望風旨急逮捕乃微服變姓名不知所之事白而第已未進士自鄉薦至是落魄二十年初主海門縣簿開禧末侂胄敗距其登第八年矣嘉定初教授漳州爲州守趙汝諧所恭敬秩滿辟酒所幹官改廣東轉運司主管文字時帥孫長孺性峻或嫚罵僚吏陶孫旣負內美勃若摩雲衝斗而長身龐眉昂昂出意表當交際間機踈語簡見爲亢倨乃道固委蛇長孺知其質直每見改容焉用薦者改平海軍節度僉判蕪南外宗正簿不樂往州檄之急竟謁告去常平使者雅聞陶孫名行部至州怪其已歸因言可予祠寶慶元年轉奉議郎賜緋魚袋主管華州西岳廟臺疏鐫一秩年七十二矣異時交游類當世聞人至是旁落將盡又少娶崑山沈氏嚴之如賓奉祠之年適甫悼亡室無妾媵躬執炊爨稍有俸錢買田二畦築室一區深居簡出客至從戶內搖手謝絕之所與往還同里林公遇連江李韶莆田劉克莊二三君子而已間有佔俾則之寂寞之野時謂金壁易求其

片言難致也然詩名益重托者益衆故江湖集出而有詔毀之矣卒年七十四紹定己丑子農師合沈氏塋祔東臯先塋劉文定題曰臞庵敖先生墓其銘議郎之秩華山之廟既齋於少復奪之耄卓哉臞翁疇昔自號揭之碑顏以配貞曜今遺文真者董董一二大都善名理而世則多其言詩云魏武帝如幽燕老將氣韵沉雄曹子建如三河少年風流自賞鮑明遠如饑鷹獨出奇矯無前謝康樂如東海揚帆風日流麗陶彭澤如絳雲在霄舒卷自如王右丞如秋水芙蓉荷風自笑韋蘇州如園客獨繭暗合音徽孟浩然如洞庭始波木葉微落杜牧之如銅丸走坂駿馬注波白樂天如山東父老課農桑事事言言皆實元微之如龜年說天寶遺事貌悴而神不傷劉夢得如鏤冰雕瓊流光自照李太白如劉安雞犬遺響白雲覈其歸存恍無定處韓退之如囊沙背水惟韓信獨能李長吉如武帝食露盤無補多欲孟東野如埋泉斷劍卧壑寒松張籍如優工行鄉飲酬獻秩如時有詼氣椰子厚如高秋獨眺霽晚孤吹李義山如八寶流蘇千絲鐵網綺密瓌妍要非適用蘇子瞻如屈注天潢倒連滄海變眩百怪終歸雄渾歐公如四瑚八璉

正可施之宗廟荆公如鄧艾縶兵入蜀要以險絕為功黃魯直如陶弘景入官拆理談玄而松風之夢故在梅聖俞如關河放溜瞬息無聲秦少游如時女步春終傷婉弱陳無已如九臯獨喚深林孤芳冲寂自妍不求識賞韓子蒼如梨園按樂排比得倫呂居仁如散聖安禪自能奇逸其他作者未易殫陳獨唐杜

工部如周公制作後世莫能擬議是其詩評也按舊志趙

汝愚死貶所陶孫哀之以文又揭詩於通衢云左手旋乾右轉坤云何群小肆流言狼胡無地容姬旦魚腹終天莖屈原一死固知公不免孤忠賴有史長存九原若遇韓忠獻休說渠家末代孫侂胃大怒遣捕陶孫變姓名亡命得免福清郭萬程曰今稱說教先生者豈非哀趙忠定之詩律哉或曰揭之通衢或曰

不之罪或曰大怒刊章追捕編管于嶺南至其敗乃登第或曰亟亡命走閩或曰因是游寓贅居崑山蓋二三其說皆大謬不然者矣蓋云或為律詩託之以行知是律也

林珪字介卿祖仲堪元符三年知惠州珪累官朝請郎慷慨樂濟嘗創義塚於脩仁里邑人祀之學宮侄振

振字宗玉為興化令資稟冲粹政事詳明不動聲色藹然儒政三年百姓無犯犴狴為空改知邕州林孝聞字質夫嘉定間知建寧縣為政廉明斥俸置田以充學計後擢大理寺丞守撫州



張宏圖字巨濟精星曆嘗論宋朝記禮者多訛舛因著大禮記數卷及萬言書詣闕上之大槩論祀天神位次之失復上書論太子星因及皇嗣賜官保議郎嘉泰間復上書寧宗以慈懿太后攢陵今在湖曲修吉寺湖上宴遊非怵惕悽愴之意寧宗感悟鑿御鷁沉之轉官旌一秩自是西湖絕清蹕之聲故宋人詩曰龍舟大半沒西湖此是先皇節儉圖二十餘年安靜裏棹歌一半在康衢宏圖之名因以顯也

孫禮與嘉定間泰州教授作禮器圖託又有林獲者制分獻官及士服

馮端榮字景莊知崇安縣勤恤小民病給之藥死施之棺以平易清慎爲理縣民祀于三賢堂

鄭格字廸民少穎悟博聞強記歷建寧司理以介聞景定初授廣東察推介節彌勵所親見其囊橐蕭然曰子後何計出嶼格曰豈能入嶼而不能出改知攸縣卒子堅姪聚皆博學勵節世其家少子堡文亦奇林公珙字子明淳祐間知建寧縣爲政精明吏不能欺存心愛民不科歛橫費尤留意學較後倅泉州元進士

至正二年壬午林雋

十四年甲午林韶

二十年庚子莊穀 薛理元

二十三年癸卯潘騰

薦辟賢者見列傳中

有傳

蔡復初

蔡復初舉明經為書院訓導少從龍江林梅所余大車學易受書又從惠安盧琦學詩孝友力義琦卒心喪三年所著有詩銘訓集子仕實見 皇朝科

第

閩書卷之八十

英舊志 縉紳

福州府 福清縣

皇朝科第

舉人 進士

壬午卯酉屬舉人 辰戌丑未屬進士

洪武三年庚戌舉人李昇 元解 王玄範 張必泰 林

嘉人薛理原 林大同 蔡仕實 元蔡復初子

四年辛亥進士王玄範 李昇 林嘉 林大同

蔡仕實 張必泰

本年舉人林煒 陳臨 馬英 林清夫 劉炎

陳徹按以庚戌鄉試辛亥廷試無鄉試者以洪武即位之初科試未定至十七年始有定科也

五年壬子林璟 鄭宗淳 陳源 郭本初

十七年甲子鄭珪 王暉 夏伸

十八年乙丑夏伸 鄭珪 王暉

二十年丁卯林京 陳堅 王辛 陳銘

二十一年戊辰王辛 林京 陳堅

二十三年庚午林演 周昌 孫達

二十六年癸酉鄒孟

二十九年丙子李騏解元 陳正 陳崑 陳琦

陳賽 林奇

建文元年巳卯林福建文元年號巳經詔書仍舊今改洪武三十二年仍稱建文元年

永樂元年癸未舉人陳佛

二年甲申進士陳佛舊志洪武三十五年一榜攷是歲革除故元年癸未開科

甲申 會試

三年乙酉敖旦 汪清 鄭添

四年丙戌鄭添

六年戊子葉極 陳最 陳得安儒士

九年辛卯韓弘 黃濟 林至儒士 曾佛貢士應天中式

十二年甲午陳廉 林穌 林添保儒士

十三年乙未韓弘 曾佛

十八年庚子卓觀 鄭欽 陳實 王神祖 儒士

十九年辛丑林至

二十一年癸卯周暉 陳美 曾案 曾陳潛 儒士

宣德四年巳酉林昊

十年乙卯林燦 王遠

正統三年戊午郭譽 李燦

四年巳未李燦

六年辛酉鄭恭 夏裕 林泗 貢士應天申式 鄭敬 廣東中武

七年壬戌夏裕 鄭敬

九年甲子許紳 陳慶 鄭陸 陳舉 得安子浙江中武

十二年丁卯何宜 王克復 俞璟 龔章

十三年戊辰何宜

景泰元年庚午官伯齊 府學 林文 李璋 敖璉 且孫

薛士暉

四年癸酉陳璽 林洪 何熙 江輝 儒士 許善

繼 儒士

五年甲戌俞璟

七年丙子林槐 林埴 蔡傑 林燧 戴潛

林孟喬 儒士

天順元年丁丑王克復 林孟喬

八年己卯陳璜 林域 項澄

四年庚辰項澄 戴濟 薛士暉

六年壬午官瑄伯齊子 林清府學 鄭昭 張穀 韓

鏞儒士 項潭儒士

成化元年乙酉王馭 陳鑑 李潤儒士

二年丙戌韓鏞 林堉

四年戊子林樞 方漢 林綱 楊廷用漢以下並儒士

五年己丑張穀 林樞 陳鑑

七年辛卯周信 王拱辰儒士

八年壬辰林清

十年甲午吳華

十三年丁酉陳義 黃珏 林經

十四年戊戌周信

十六年庚子張烜穀弟 林鸞 敖汝厚 鄭拱

十七年丁丑陳義 張烜

十九年癸卯林秉淵 林文城

二十二年丙丁林朝材 林賢 敖璉璉弟

弘治二年己酉劉潤

五年壬子陳彥銀 林宜祥樞子

八年乙卯侯文標 黃泗珏子 林信 林溥

十七年甲子陳伯諒

正德二年丁卯陳天錫復姓謝李楚潤子

三年戊辰陳天錫 陳伯諒

五年庚午陳文昌 鄭慕陸子

六年辛未鄭慕

十一年丙子何英才

十四年巳卯陳世仁鑑孫府學何司明

嘉靖元年壬午何世祺司明子方日乾 鄭廷燾拱子

鄭廷焯

二年癸未方日乾

四年乙酉毛秉鐸 林廷器 林應禎 陳一貫

五年丙戌毛秉鐸 何世祺

七年戊子項志德潭孫卓邦清 薛廷寵 龔鐸

林珠 林孟機 施千祥 林春秦州籍應天中式

八年巳丑陳一貫

十年辛卯張榮 游新祐 李賢 林一清 薛

一經 陳仕賢 方秉鉞日乾弟

十一年壬辰林春會元薛廷寵 陳仕賢

十三年甲午楊子克解元王一言第四人魏文焮府學

周坤 陳一科伯諒子 魏濠 黃仁惠 翁世經

吳從義 方塘 郭萬程 以貢順天中式

十四年乙未施千祥 吳從義 翁世經 王一

言 郭萬程 何御 熙孫 項志仁 李庶

十六年丁酉林公璉 何御 熙孫 項志仁 李庶

潤孫

十七年戊戌何御

十九年庚子張德熹 陳喬嶽

二十年辛丑李庶

二十二年癸卯何宗魯 嚴以修 莊應元 陳

公彥 施模

二十三年甲辰魏文煥 張德熹

二十五年丙午陳見 子一科 林資深 嚴順 龔澤

陳湯敬

二十八年巳酉毛孔墀 陳良柱

二十九年庚戌毛孔墀

三十一年壬子何邦禮

三十二年癸丑黃仁惠

三十四年乙卯魏體明 陳懋興 俱府學 薛廷熙

薛曾

三十五年丙辰薛曾 何邦禮

陽書 卷之八 英舊 六 德

三十七年戊午薛德統 林一鵠信孫

三十八年己未陳懋興

四十年辛酉林廷讚 王用賓 施觀民 薛廷

亮廷寵弟以貢 應天中式

四十一年壬戌薛德統

四十三年甲子何邦靖 林資瀾資深弟 鄭天佐

薛夢龍府學 陳道箴順天中式 邵廷臣

四十四年乙丑施觀民 魏體明

隆慶元年丁卯林庭植府學 劉鎮 陳文銓

四年庚午林皆春 林守典 鄭夢禎 薛夢雷

天中式

五年辛未林庭植 薛夢雷

萬曆元年癸酉林春元 陳天祥 李柱俱府學

四年丙子黃大有仁惠子 府學 陳璧懷安學 施懋勳 謝

洞

五年丁丑陳璧

七年己卯陳名彰 葉向高 方懋學 盧一誠

以貢應 天中式 游廷柏 吳志曾俱府學

八年庚辰盧一誠

十年壬午王錫侯候官學 江世祿 陳懋學 林茂

槐 張日耀 施一臯 何應軫御孫 張材 余

夢鯉 陳其殷府學

十一年癸未葉向高 余夢鯉 劉鎮 方懋學

十三年乙酉林廷奎一清孫 鄭時化俱府學 林雲候官學

陳陽和湯敬孫 林世信 林尚義 陳奇仕賢族孫 施三捷觀民

十六年戊子周大時信曾孫 陳堯道 施三捷觀民

子以監生 順天中式 薛應曾候官學

十七年巳丑陳堯道 王錫侯 林廷奎

十九年辛卯方騰奎塘子 莫如德監生順天中式 劉挺秀

府學 項永譽

二十二年甲午薛輝府學 江朝賓 吳儒

二十三年乙未林茂槐 林雲

二十五年丁酉陳五昌 林士標俱候官學

二十八年庚子魏汝達文煥孫 林震廷 林有臺

三十一年癸卯施鵬候官學 郭廷元 倪楚玉 王

肇基 陳陽長湯敬孫 郭應寵萬程孫 順天中式

三十二年甲辰江朝賓 陳五昌

三十四年丙午郭應響鮮元 林汝蓊 何玉成府學

三十五年丁未林士標 林有臺

三十七年巳酉薛耀 薛坤

三十八年庚戌施鵬

四十年壬子陳有元

堯道子 候官學

盧伯家

一誠子

王汝光

四十一年癸丑倪楚玉

何玉成

四十三年乙卯李允佐

四十四年丙辰薛燿

四十六年戊午陳世濬

何其弘

林正亨

施

兆昂

順天 中式

四十七年己未林正亨

施兆昂

薦辟貢士監生賢者雜見列傳中

有傳

林榮

林端

林鴻

莊希俊

馬英

王命

夏太和

鄭英

鄭珺

陳霖

鄔孟

李騏

蕭福

陳佛

陳得安

韓弘

陳嘉

李燦

林慈

鄭陸

陸子慕

何宜

官伯齊

江輝

俞璟

王克復

林培

王拱辰

林清

楊徹

林溥

謝天錫

陳伯諒

何英才

方日乾

林應禎

何世祺

項志德

卓邦清

薛一經

陳仕賢

薛廷寵

周坤

魏濠

翁世經

郭萬程

李庶

何宗魯

毛孔輝

薛曾

施觀民

葉朝榮

榮子向高

鄭夢禎

林廷植

薛夢雷

陳壁

鄭元和

盧一誠

方懋學

鄭時化

林廷奎

林雲

林立

林榮字得仁洪武初以貢入太學選入禁庭為承勅
郎謙慎齋飭聲譽出縉紳間後仕兵部尚書榮少孤
思父不置以永思名堂請宋文憲濂為記文憲述其
請記之語曰榮也念父不見或食焉或羹焉或寢息
焉懸懸有思思之不得則升高遠望草木之敷映山

川之紆鬱萬物欣欣有自得意輒泫然流涕曰光景

日新吾父安之乎又曰榮一乘馭則思為父執鞭一

就寢則思為父扇枕一有疾則思為父嘗藥今皆不

得已觸目之間無非可感誦其言知其孝子也

按榮仕兵

部尚書列卿傳無載或國初年遠不可詳

林端洪武初以秀才舉任教諭宣德間知玉山縣廉

介愛民門無私謁好接賢士以咨詢民瘼陞刑部主

事

林鴻字子羽以詩名閩中先朝遺老如吳海陳諒輩

皆極推許而一時才士皆從之游晉陵浦舍人源能
 為詩聞鴻名不遠來謁鴻使門人文玄玄之見之源
 出投二玄二玄讀至其送人荆門詩有雲邊路繞巴
 山色樹裏河流漢水聲之句驚曰此我家詩也人白
 鴻鴻出甚懽因避所居舍源源名從此重洪武初以
 人才薦高廟試之龍池春曉孤鴈二詩稱旨
 一日名動京師授將樂訓導終膳部郎中自免歸所
 著有鳴盛集

莊希俊洪武間以薦辟臨洮同知親終廬墓慈烏羣
 翔有擊壤集

馬英字德華從林鴻為詩仕泉州縣丞

王命字文浩洪武初以明經薦授如臯教諭復改鹽
 城陞國子博士經誘掖者咸有成就薦陞大理評事
 審讞不冤刑部文皇嘉其明允御書葵軒二字賜
 之陞沔陽知州善於撫字後召修大典卒京師命性
 勁直居官以誠慤為本所至有水蘗聲文章亦如其
 為人

夏太和洪武間以薦辟為國子助教召見賜詩以榮
 其歸

鄭英字伯華宋俠六世孫父病劇禱神求代父隨愈

假貸營祖父母墓以畢父志父卒哀毀踰禮洪武間
舉明經以母老辭母數邁疾侍湯藥不懈母卒竭產
營塋舉孝行授南寧經歷

鄭珣字益文授監察御史坐事忤旨調吳令廉謹有
能政平訟理復入爲御史按廣西卒官

陳霖洪武間知許州歲歉民多流徙霖導湖水注別
壑縱其取魚藕自給滿去吏民思之

鄔孟授監察御史廉介忠讜有聞於時嘗以誑誤將
置重辟其妻擊登聞鼓乞入官爲奴贖罪詔赦之後
竟以直言時政忤旨死

李騏字孔逸仕陵水教諭選刑科給事中坐事謫景
州學正大學士楊榮薦其賢擢弋陽令調定海所至
公勤廉慎人民懷之

蕭福洪武末以儒士授嘉興縣典史廉勤寬恕聽訟
稱平雖處卑劇輒以餘閒講學讀書永樂元年再補
樂安聲無改舊擢監察御史

陳佛字德性令宜都邑人因其名號曰活佛自免歸
銓部徵用辭不往

陳得安字思善任義烏教諭學博行恭誨諸生必竭
底蘊引年門徒不忍舍遂家焉

韓弘字士毅授戶部主事擢韓府長史改寧府好直諫王不悅誣以事被逮檻京師江西省臣爲白得釋調同知永平績最擢知揚州爲政愷悌正宜滿三載郡民赴闕奏留增俸一級歷山東右叅政轉浙江左叅政致仕

陳嘉宣德七年以薦辟爲海寧簿秉性剛直蒞事公平縣與海寧千戶所雜處軍縱官馬戕民稼及夜巡擾民嘉請上官乞以夜巡事檄有司專職馬害稼者戮傷勿論從是民庶安堵秩滿老稚遮道願留徑告致仕去

李燦字子珎授萬載令轉判衡州居官寬猛得宜所至訟獄衰息稚重教化禮遇諸生觀風使者韓雍以廉能舉後卒官
林慈字則忠正統中以貢任南安同知稽覈軍籍門無私謁擢守潮州

鄭陸字叔鑑天順間授景陵教諭輕利勤教隆冬酷暑不廢衣冠坐而課業自奉蔬菜而已祀名宦子慕慕字思舜歷御史知溫州官終湖廣副使有清聲如其父

何宜字行義授戶部主事累遷兵部職方郎中成化



初疆圉多事邊報沓至宜區畫多稱旨文學政事卓有嘉名父故巨商饒貲宜獨清苦在官粥食徒行而已後遷浙江叅政江西左布政入覲舟僅容身隨從數人日止一炊體燥則沃以江水閱簿書一字不輕過侍吏疆立多欲顛踣時王克復爲叅佐書判如流恒以太纖戒宜宜安之未幾卒

官伯齊字伯整三歷教職舉其官最後教諭臨安臨安科目乏人伯齊選才嚴課未能者親立文格指引資以紙筆供饌卒于官士子憑櫃悲泣步送不絕

江輝字叔明成化間任龍泉學諭儉素嚴謹諸生並令坐齋講讀夜分間茶粥之貧者出俸供其膳饌卒于官士人哀悼

俞璟字景明任御史廣東僉事以執法持憲稱

王克復字師仁授刑部員外郎用薦爲江西叅政轉湖廣按察使江西布政使以副都御史巡撫入爲南京吏部侍郎致仕克復長於律比郎刑部時爲尚書陸瑜所器凡疑罪必屬之兩廣撫臣吳禎河南布政使章繪被奏不法瑜並薦克復往按歸報皆稱旨出長藩臬吏民素聞王刑部名自不敢欺江西俗喜訟喋山積克復判決無留時謂之王一火又謂王隔壁

言其敏而且明也卽克復亦自喜曰人每厭江西繁
訟若某者直須車子載來然其持法不苛所至發姦
第取魁桀無濫及南畿清戎使者文深多所遣發來
訴克復克復察其誣者悉爲脫尺籍性質寡言笑在
刑部十五年爲布政使九年同時後進或躡或躡未
嘗介意晚歸與謝瑀輩結會敦齒鄉人以爲美談
林埴字克茂知景寧縣禁奸除暴聽訟明斷縣學草
創至埴規制始備擢御史
王拱辰字孔明歷南康教諭精舉業勤誨士有所物
色悉皆顯名

林清字源潔任開化知縣慈祥愷悌深得民心

楊徹成化間以監生知遂溪政廉而寬邑民頌之

林溥字孟通授宣平教諭擢池州教授有學行

謝天錫字廷爵繇行人選御史按北畿持身勤慎爲

民鑿渠以洩洪水衡水魏縣二邑人深德之

陳伯諒字執之授富陽令調崇德嚴削豪強痛繩奸

猾訟獄衰息廢墜振修以最入爲監察御史督學兩

京士服公當復以副使督學四川未上卒子一科知

應山縣居官有守不媿家聲子見見韋布

何英才字時英嘉靖中知惠來縣安詳不擾民樂寬

靜終靖江長史

方日乾字體道歷御史終山西僉事在臺論事通達國體子塘領鄉薦有操尚

林應禎字國興爲涪州知州篤實有守鄉黨敬之

何世祺勉翼父司明仕穎上教諭有操尚爲鄉人

所敬世祺授慈谿知縣改歸善精敏爲治裁抑豪猾

邑造冊籍覈戶口杜欺隱豁虛稅或白以例有稅契

世祺曰已征科價矣有稅畝曰里甲自辦工墨矣後

以調去歸善人言賢令率曰世祺云

項志德字尚之教諭青田清苦儉朴化及間巷樵吏

部司務歷禮部員外郎中出爲四川叅議尚節槩重

然諾與人語切直不阿雖諸公貴人前不改其度倭

夷入寇福清城破志德子爲所虜志德方奉表入賀

萬壽聞之卽上疏乞歸諸縉紳在京師者莫

不厚餽志德使歸贖兒悉却不受或謂君清尚固爾

愛子被虜贈君贖之諸公厚意也志德曰吾已不仕

諸公憐我當不責報第因難爲利則不敢耳未幾子

亦得歸

卓邦清字若泉計偕下第卒業太學與江右徐樾王

宗尹東廣蔡天應四明徐應元輩四十餘人日升監

畢卽羣會博士堂辯心講志時泰和歐陽南野德揭
陽薛中離侃及是年及第羅念庵洪先聞之咸先造
訪語極相得邦清遂受學於歐陽一時翕然輔仁相
勉久之就職教諭烏程教人操身敦行自爲實地外
庠人士聞之踵門聽講擢東光令以艱歸莆陽有莊
孝子名賢者高邦清之素不遠赴弔留月餘卒邦清
爲厚斂如禮返匱故山服闋補新泰令節省休養逋
戶歸者二千餘家調富川令有監司橫索屬縣金邦
清無所應心銜之嘆曰三已已侵五斗奚戀遂棄歸
馬恭敏森曰若泉歷仕三縣謀生不給檢素以足薪
木寡慾以樂日用呼童招侶弋鴻釣鯉寄情海上教
翔太清有道之士也

薛一經字廷訓任興安教諭善誘士類介無苟取卒
于官囊罄甚

陳仕賢字邦憲爲諸生以孝聞登進士授戶部主事
歷員外郎中出知杭州永無重綵食無兼味瘠已佐
民水旱祈禱若身痼瘵至其溫粹之氣汪洋之度足
以釋悃消鄙評吏治者至比之項城婁公後十年爲
浙江左布政使益務爲廣容耻以法繩下清白之操
貫于終始終副都御史

薛廷寵字汝承以行人選吏科給事中奉使朝鮮還
擢都給事中在諫垣每誦季孫行父鷹鷂鳥雀之言
嘗上疏劾諸大臣皆當時用事者有旨留者數人諸
大臣以廷寵言直俱不敢辯獨嚴分宜時禮部尚書
新有寵輒辯廷寵復劾之後又屢有論建銓部欲出
之外藩或言廷寵賢不宜使去廼止未幾卒家貧無
斂鄉人爲治喪廷寵內行修事繼母李孝其卒也李
哭之哀感動傍人

周坤字朝順直躬博覽教諭新昌每爲諸生講說疊
疊貧者斥俸餘調之冬月猶著單夾衣曰吾冷官不
宜太暖士不失已當忍寒饑後遷國子助教

魏濠字方舟令太平有異政流亾復業土價增貴官

至南戶部員外

太平一作仙居
員外郎一作郎中

翁世經字可貞授戶部主事歷員外郎中擢知梧州
峻潔有才治尚節簡在郡道涂府庫闕隘礮隧百廢
具修尤加意學校秩滿觀風使者奏留郡立祠以祀
官至布政使

郭萬程字子長蚤孤刻意自監痛母何艱貞紡績輒
潛然出涕值歲荒負米數十里外母肺疾寒無被與
妻廬抱母而溫以背雖夫妻或至絕粒而菽水靡所

違缺通覽紀書淹洽鉤貫夜傍紡燈或至達旦而學
審取舍不以得失動心至以孟子自期以選貢上春
官薦京闈登進士守貧待次開門授徒志行交藝具
有先後授戶部主事尋卒年三十二萬程與馬恭敏
相善慨然語恭敏曰吾閩蕞爾崛起爲難唐初薛令
之始登第而有首稽歲寒之嗟竟以廉名其里歐陽
詹名在韓愈李翱間仕不過四門而且早卒于京師
不亦難哉察其意蓋欲以文章行誼自見於後而溘
然無羊其可悲也萬程爲文風渙雲披了無阻闕遺
文無多而於福清之地志山經者舊沿革特加詳焉

子造卿見韋布

李庶字季卿嘉靖中知金華縣有柄臣壯上道出蘭
谿守以下皆趨候庶曰越境矣竟不行上官有所過
相語毋令金華知也甲辰乙巳兩歲大饑竭誠祈禱
發廩平糴全活甚衆歷刑部郎中

何宗曾字可宗惠州同知居官清介

毛孔墀字茂對官終戶部主事先令曲周有惠政卒
後十數年邑民尚存問其家

薛曾字師孔授中書舍人轉兵部主事徙吏部考功
員外郎吏部郎故尊貴然自員外以下無所闕預畫

諾而已曾獨諤諤諸郎間皆目攝之其長憾曾尤甚
出備兵威茂草坡黑虎曾頭水磨諸蠻嘗掠人取贖
邊隅大困曾授方畧用間謀勦平之道路以通江嚙
茂城三歲工不就曾以五旬竣之復鑿石洲以殺流
勢民多淫祠曰禹鄉也宜祀禹矣居五歲轉粵西叅
藩將吏士民送數百里皆泣下像祠之抵家卒曾在
茂州前備兵使者日費且十金一切裁罷曰毋因邊
民蔬食布衣處之漠如家人有語及產業輒持杖擊
走之

施觀民字于我歷戶部郎出守常州大刷蠹弊傳訟
皆單詞立斷尤惡刻深平亭仁恕有富室被誣白出
之僚佐謂使君不虞嫌疑觀民歎息以嫌冤民守不
能爲首闢龍城書院教士鑿玉帶河以通風氣萬曆
癸酉舉于鄉者三十餘人所當其最賞者爲少宗伯
孫繼臯許其必魁天下遂果然毗陵人言施使君十
一爲吏什九爲諸生師他守日晏坐堂皇治簿書循
不給安所得從頌諸生間哉擢廣東副使歸卒繼臯
不遠入閩哭其喪

葉朝榮字良時應隆慶改元恩貢授九江通判王督
賦潔已卹民逋負畢登佐權閩秋毫不緇免商緡無

筭臺使者賢之數令攝邑瑞昌城有灤河之患鑿而
 疏其下流彭澤城圯鳩工修築之擢知養利州築城
 建學鑿坡塘墾田導水暇則與諸生談說經術州俗
 一新埒於中士卒之日僚屬簡其囊書數函衣數襲
 而已士民立祠祀之朝榮生平淡薄勤苦惟讀書窮
 理為務四書五經及性理綱鑑默誦如流至老無一
 字遺忘尤精說詩自言吾說詩不在文字於治亂興
 衰之故燦若指掌五經奧義具在其中苟有用我舉
 此可行也子向高
 向高字進卿其母逃賊而生之廁下少名廁兒年十
 乃去向高為
 上畱者三日而先是癸丑會試

上命向高入兼試事有章奏令中官送關中
 稟擬而至是
 上諭畱數日皆異數也原向高
 所以受知於
 神廟者惟其朴誠恭謹知無不
 言言無不盡
 上久久益信向之每向近侍道
 此一閣下未嘗欺我一言壞我一事疏揭皆明白洞
 達覽之了然又頃刻立辯無所凝滯是以
 上
 竟向高在事未嘗責一言官即甚怒亦未嘗有這斷
 這畜之語抵家
 上復遣撫按官存問存闕閣
 臣八十始得向高時方六十又異數也向高家居

上念向高者屢屢欲再召之會有阻者罷四十八年
神廟賓夫
光皇即位復召向高

遣行人傳諭以來蓋
光皇在東宮時時念曰
我有大恩人未報故召向高亟居一月
上崩

熹廟即位以
光廟意起向高屢此時
遼左失地重慶陷城向高感憤就道既至
上

亦傾心向之而所保全匡救為多久之左都御史鄒
元標副都御史馮從吾以講學書院事為兩給事中
所求多
上命向高傳諭欲毀書院者屢向高言講學

之禁從古未有乃言者謂宋室禍敗皆繇講學獨不
妃與
福王皆不自安惟留中勿宣布其奸徒俟

別疏批治之要以國法國體兩盡無傷而又速定
福王之國吉期以息羣喙則天下恬然宗社之幸

大矣
上悉聽向高言當此之時內自宮闈外
及縉紳莫不藉向高一言回天而
神廟亦以

此感向高善全其父子兄弟間及
福王之國有
期日矣
上屢遲遲一則以庄田未備遲一則

留以預壽
皇太后遲亡何
皇太后崩
逝
上則以
福王當持服遲向高悉為宛

轉撐柱而
福王竟之國中外交人情又莫不舉手

加額以為國家之福微葉公莫能成也至萬曆四十年一疏則言臣歷考三代以至宋元三千餘年帝王享國四十年以上者僅十君惟殷之太戊高宗稱為盛治宋仁宗差治其餘皆亂周宣王唐玄宗梁武帝則始治終亂然則三千餘年間享國長久而能克終者二三君耳萬曆之紀已四十年天下大器久則必敝自非嚴恭寅畏以保持之鮮有不敗者其讜如此也至四十一年則向高在事八年矣先後求去疏六十餘上上不得已勉從之加少師賜坐蟒差

官護送馳驛賜路費金恩禮備至臨行復諭留數日

其大者莫如處王曰乾一事次莫大

福王之

國其言則莫讜於四十一年元正一疏其餘所以謂停國是挽持朝綱不遺餘力矣王曰乾者京師奸人也與一二賴人孔學訟刑部訟未判突入皇城放炮進本刑部坐禁城放炮事論死曰乾急遂許奏孔學嘗受 皇貴妃旨咀呪 聖母 皇上 擁戴 福王謀害 東宮從獄中具疏向通政司投遞通政司不敢達至持疏人持刀欲自刎以脇之通政惶懼走告向高向高曰毋動遣人告大璫之掌東廠者令偵邏上聞即亦不可張皇動 上

怒璫唯唯因具揭密言貴妃賢明 福王賢

孝臣萬萬保無他奸人所為當靜處之一為所動即

中外紛擾其禍將大切勿以介聖懷上初覽

曰乾疏震怒拍案左右辟易良久沉吟曰有此大事

如何閣中初無一言左右乃以向高揭進上

聞向高有揭即時覽霽覽畢天顏益和手絨原疏並

無一語宮中皆大喜幸次日復問司禮疏當批發否

向高業先告司禮疏不必發即發當付閣不可從中

下司禮以向高意對向高復密勸上無發發

則上驚 聖母下怖 東官即 皇貴

四縣令許夢熊大奇之為擇婚送聘而酒之公堂邑

人以為盛事既舉進士選庶吉士讀書翰林解館授

編修大光皇出閣講學向高以官僚侍班講讀

訓解明暢上光皇殊喜向高長髯于思風來拂

拂動長光皇私告中貴曰此飛鬚先生也萬曆

三十五年以禮部尚書召入東閣與山陰朱賡晉江

李廷機同事云何二人或去或歿神廟更不

他爰立而向高獨相者八年此時神廟官居

久萬幾遲久不時應諸大典率阻閣中外有鬻金之

憂其大者則所嬖 鄭貴妃生 福王以母故

愛之甚至受封久不之國而
光皇日在危疑
間其他大僚空虛考選沉滯謫籍永錮宣索過多邊
餉斬發礦稅中官四出諸臣爲礦稅數逮繫間有傳
諭外難奉行向高心血爲竭唇吻爲枯矣賴其才情
敏妙言詞敷暢或時中官立待還奏口占授書反覆
詳盡是以獨任有年孔庶畢給至其戇而誠婉而明
卽上讀之亦心開有時觸忤久亦爲霽而一
時士大夫自分意見各樹門戶是非邪正迄無定論
向高亦屢被人言一字不辯但求退而已惟

上知向高忠謹一意委任之向高所以爲忠於朝廷
思有宋盛時正以濂洛關閩講明學術比及王淮韓
侂胄陳賈輩始立僞學題目構陷朱熹諸賢而宋祚
遂終太祖高皇帝立綱陳紀設科取士一本
宋儒成祖文皇帝復令儒臣采輯宋儒論學
之書爲性理大全頒行學宮二百六十餘年一道同
風一切裂防決維之事皆有所忌憚而不敢爲

皇上何輕聽二臣之言而不深攷

祖考一

代治法當聖明之朝而有道學之禁臣爲執政而諸
儒臣連翩去國天下後世清議謂何且將與王淮輩
同被惡名實臣之所不敢出者遂乞與元標從吾同

去 上不許而最後都御史楊璉劾逆璫魏忠賢事起忠賢故望向高調護之而向高勸 上

放歸忠賢私第以止人言於是忠賢恨甚內竊國柄時時有廷杖諸臣而向高求去決矣 上不得

已從之加恩以行蓋此時求去之疏又先後六十餘上也是為天啓五年其明年六十九歲卒去

熹廟崩殂之期五日而已當此時也魏忠賢熏灼彌天禍蔓中外縉紳至求死不得向高念身為國大臣

受 三朝知遇坐視國事至此鬱鬱無聊日甚一日惟懷范文子祈死之意而已今 上登極逆

阹誅死宮中首詢向高有召用之意而向高不可作矣向高坦直夷易在朝不以城府待士大夫所建言

無非欲破士大夫黨比之習家居布衣徒步與田夫樵牧相應答如響為文明白條暢詩朗徹照映書翰

一札十行晃如雲流退朝之暇延接酬寄觴詠甚奕綽然其有餘暇遇佳山水意興勃生神韵散朗一似

神仙中人平生見講學之人皆空談無實故絕口不道而心實慕嚮之嘗與鄒公元標言公講學必講孔

孟而余第講閻羅鄒問故向高曰不佞老矣填溝壑日近若有欺君傷人害物等事於閻羅殿前對勘不

過皆不敢爲鄒曰如此則何公之非孔孟也向高仕
特進光祿大夫左柱國太傅吏部尚書中極殿大學
士卒崇禎初贈太師特 旨謚文忠

鄭夢禎字開文授寧晉教諭徙國子博士擢守蘄州
荆府護衛地久廢爲民居惡少構王欲歸前地夢禎
啓王護衛久削責地何爲王不憚夢禎徑趨出久之
王詗知惡少構民乃悔謝益厚遇夢禎巨璫陳奉監
稅楚中橫甚夢禎獨無所屈奉爪牙虎而冠奉檄來
蘄包礦稅夢禎力排之奉遣其黨王金吾開蘄迎山
礦且索賂夢禎遂乞休蘄民相率詣王金吾曰州有
賢守爲爾去官羣毆辱之奉益怒以抗旨劾夢禎請
爲貴州按察司經歷旣行遣人尾其後將甘心之州
人擁護得免歸不能名一錢而遽卒蘄民間之有數
千里赴弔者夢禎爲孝廉時與諸生陳益相往來益
歿奔馬下市人無識者夢禎抱而哭之曰此吾友陳
生也益日未瞑夢禎曰幸於我殯乃瞑
林庭植字槐卿萬曆初知上虞縣調知龍川禁佛敎
定婚禮建學宮修縣庠却諸例金猴嶺賊作難霍山
白蓮社爲變設計剪除卒于官

薛夢雷字汝奮授江山令明興江山有二賢令而夢

雷其一擢入爲御史以失江陵相意出爲廣東僉事
歷叅議殲夷寇破蛋賊剿亡命蘇觀陞葉宗權等三
受上賞擢浙江副使雲南按察使布政使蠻阿克者
其先武定酋也武定守失諸夷心遂謀爲亂守逃至
會城委其印于藩司克隨以兵聲言武定故我土也
予我印則罷兵不予且虔而命人情洶洶多謀應賊
自鎮臣而下皆惴懼請于中丞陳用賓姑予印以紓
禍中丞以爲然夢雷獨爭之強吾戮力固守援兵且
集賊柰我何即不然守死正也何計其他語憤慨激
聞者皆色變方伯某趨進謂中丞曰事急矣毋以
妄言撓遂予印後中丞坐逮王爵難其繼滇人在京
師頌言予我薛公遂擢右副都御史巡撫其地亡何
言者以予印事罪中丞連及夢雷滇去都門遠當日
夢雷爭論人無知者奉朝命聽勘比勘夢雷枉大白
而尋卒矣夢雷博大雍容才具神情洞達朗豁錯綜
萬變無復凝滯性耿介不通朝貴書去亦繇之
陳璧字道民授歸德府推官以風裁著入爲刑禮二
科給事中疏陳八事請復言官罷老臣爲執政所忌
出知太平府郡民穿土得黃白二金以獻璧悉以修
城垣葺學宮歷廣東提學副使湖廣叅政山東按察

使所至風紀凜然在湖廣值奸人王首仁誣親藩在
山東值惡璫陳增誣益都令眾皆觀望璧奮然持議
不可奪尋以右布政備兵淮揚與璫忤乞終養未幾
卒璧政尚嚴肅而操履耿介閩人謂可與鄭方伯雲
鑿方璫

鄭元和改名元勳字景司萬曆初貢歷太倉州判官
所至舉職屢抑疑獄比歸行李蕭然

盧一誠字誠之授行人轉司副司正卿寺貴人多假
借使節行不關白正一誠曰使有職胡侵官也將疏

劾其人再三謝乃已於是使規大飭轉南戶部郎江
右守臣移文為南昌新建二邑請改折時邑多貴人


莫敢難一誠曰南都根本重地四方多故兵食日增
虛糜庾以自弱非計力格之白下士大夫俎豆新建

招一誠入社講學一誠謝不往曰吾不能操戈入宋
儒之室也擢守潮州饒郡也一誠毫無染指上下交

際踴躍然有黠僚筦郡權乾沒多以其餘遺一誠一
誠怒叱之臺使知一誠廉欲併屬以權事一誠不可

守柰何奪丞倅職無已則稍為稽覈而已潮人咸稱
一誠凝操峻行為年來守郡僅見

方懋學字壯行官行人工部主事尚書貌方郎愿人



耳屬

上有事西山當治道時雨後泥深事急
旦夕衆共推方郎方郎拮据營辦往來如砥尚書始
語方郎賢者也吶而敏於事竟不年卒始懋學試春
官後夜有物緣壁下始若鳥既則人亟語曰子第子
第頃之室中有光其異如此

鄭時化字維雨爲諸生時父卒于燕奔數千里扶櫬
還第賈楚歲久無耗復重繭入楚携與俱歸令和平
備盜救荒績甚著卒于官家食貧如舊

林廷奎字志宸任會稽知縣調東安眞質不俗遂蹇
於宦終紹興知府

林雲字從龍令西安以廉能著終戶部主事

林立字尚中初爲郡諸生後入粵游柳州懷遠間猺
峒亂立往來誘說之皆輸服隨教以經史踰年夷童
遂知向學於是兩臺使者以立食廩餼應懷遠縣萬
曆中貢授廣東陵水訓導攝篆文昌有平黎功捷三
上俱賜帑金陞梓潼知縣士民懇留奏改臨高復撫
猺峒有功

一曰...
 二曰...
 三曰...
 四曰...
 五曰...
 六曰...
 七曰...
 八曰...
 九曰...
 十曰...

閩書卷之八十一

英舊志

泉州府 晉江縣

唐進士

貞元中進士蔡沼

按歐陽詹登第為閩破荒蓋憑韓文公歐陽生哀詞而舊志載沼先

歐登第未知何年姑列于首

貞元八年壬申歐陽詹 第二人

十八年壬午許稷

元和十三年戊戌潘存實

開成三年戊午李稠 歐陽矩 詹從子 陳嘏

乾符五年戊戌王玫

明經及第

薦辟人才賢者雜見列傳中

有傳

蔡沼

歐陽詹

孫澣合傳

從子和

許稷

李稠

陳嘏

蔡沼字虛中先歐陽詹登第詹以文沼以學

歐陽詹字行周父溫州長史兄暮固安丞詵潮州司

倉詹爲兒孩不與衆童親狎行止多自處年十許見

里中無愛者每河濱山畔片景可採心獨娛之常執

一編忘歸其間風月清暉日暮尚留未甚識文字輒

隨人問章句或有契心移日自得長吟高嘯不知所

止建中貞元之時其文詞崛興閩中甌閩間不知有

他人也陸贄知貢舉搜羅天下文章所得士若韓愈

李觀李絳崔群王淮馮宿庾承宣皆一時之選而詹

與焉授四門助教年四十餘矣韓愈爲徐州從事朝

正京師詹將率其徒伏闕下舉愈爲博士未幾卒詹

伏聖人之教慕愷悌之化達君臣父子之節忠孝之

際惟恐不及故與邑人吳播仲宣薛壽千齡鄭簡從

易康暉有融及王雲卿王式爲同方之契而與式游

處尤深相與讀書蒲陽五載蒲陽去家四百餘里晨

昏之思忽至珍異之味忽得不以始昨違離便奔馳
慰奉不憚往還既西上長安夢母以亂絲繞身萬重
嚙其臂見血繫心獨至故韓愈爲詹哀詞稱其事父
母盡孝仁於妻子讀其書知其於慈孝最隆也李貽
孫稱詹文新無所襲才未嘗困精於理而切於情宜
司當代文柄以變風雅子櫛微有文早死孫澣薄善
詞賦娶婦經旬便辭赴舉離家幾二十年出入場中
善和韋中令韋在閣下澣持行卷及門凡十餘載未
嘗一而慶吊不虧中和初韋隨駕至四川命相時
澣寓居漢南韋訪知行止書遺襄帥劉巨容見澣待
以厚禮大宴於府幕既撰日遵路一夕卒從子秬

秬字降之工文詞舉進士吳人陸澣自右拾遺棄官
歸隱召除司勳郎中既至無所建明秬遺書讓之曰
秬在閩中聞閣下之名十年矣及來京師又逾一紀
嘗期閣下不出則若南陽劉子驥會稽謝慶緒出則
如殷傳說蜀孔明不然亦如賈誼朱雲之徒矣今皇
帝起閣下俟俟而來秬謂斯來也有見必言有聞必
論今日復一日日已三月矣豈盡無所聞無所見耶
既無所聞又無所見則樂堯舜之道讀周孔之書劉
麟之謝敷斯人也閣下亦斯人也豈徒鼓動以朝廊

食而退是何萌倨而後恭若彼女子始貞而後蕩且
 夫逢萌不掛冠又孰有萌孫楚不漱石又孰有楚閣
 下始心為直苟志在為郎則國家有明經進士史傳
 諸科孰不郎耶秬謂閣下為郎不若不為益悲足下
 身未死而名已滅雖然苟有所見勿惜其位而言苟
 有所聞勿顧其身而論論不行言不用即乞骸去斯
 尚可復夫如是雖永為陸司勳庶幾乎不朽伏惟念
 之澆得書棄官還澤潞劉從諫表秬幕府後從諫子
 稹拒命秬方乞假稹表指斥時政或言秬所為詔流
 崖州賜死臨刑為書遍謝故人自志其墓人皆憐之

許稷字君苗泉州刺史輔乾之孫也輔乾卒於泉葬
 於莆其子赫文赫武即家莆東井群盜掠莆赫武起
 義兵勦除之餘盜復來報仇赫文復家于泉稷少與
 陳舍人詡等會飲語殊見輕稷投盃憤悱入終南山
 隱學三年出就府薦擢貞元進士歷官比部尚書郎
 仕終衡州刺史從駕西幸有勞賜賚甚厚
 李稠以明經及第擢進士為御史耿直有聲李紳按
 吳湘盜用程糧錢強娶部民顏悅女估其資裝為賊
 當死稠與崔元藻覆按與前獄異拂李德裕意貶汀
 州司戶歷官工部尚書鄜坊靈武易定三鎮節度使

陳嘏字錫之以詞賦擅時名尤工篆隸官刑部郎中
宣宗奇其才曰琬琰器也將大用之以疾卒

五代進士

後梁開平二年戊辰謝諶

乾化元年癸酉李仁濟

貞明年 陳逖

後唐同光 年 黃仁穎

薦辟人才賢者雜見列傳中

有傳

康仁傑 蔡儼

康仁傑喜儒學工詩因遊江淮南唐陳德誠薦至金

陵唐王召問土俗對荅無滯授鄂州文簿補溧陽簿

素性清儉門無私謁終泝陽令

蔡儼節儉好施王審知辟為戶部郎中

宋進第

福州志趙宋宗室俱不載而是郡獨載者以福州舊志立有宗子取應之條而泉志則雜

在進士特奏之中難以刪去

開寶六年壬申謝膳

端拱元年戊子梁希言

二年巳丑曾會 第一人 劉易知 陳從易 蘇國

華 陳垂象 王言徹

淳化三年壬辰韓曜 陳元稷 楊令問 蔡丕

呂言

咸平二年巳亥王中孚 林涓夫 李俊

三年庚子石昭 朱淑 蔡中正 王宗閔 蘇

季成國華弟 楊令緒 陳汝礪 王元之 胡肅

李諱

五年壬寅蕭楚材

景德二年乙巳梁審言希言弟 陳播

大中祥符元年戊申陳詰 陳時中元稷子 蔡黃裳

劉設 胡請 張裕 曾壽會昇中至

二年巳酉宋程第二人 郭咸

四年辛亥劉適

五年壬子曾愈會弟

八年乙卯林貞幹改名升 黃虛舟 吳均 陳從直

從易弟 曾公度會子 謝徽

天禧二年戊午陳木 謝起 楊洎 蕭沆

特奏名曾克 許朝宗 陳漸

天聖二年甲子曾光亮會子 謝伯景 蘇璠國華子 張

汴 洪儼 呂造言子 陳嘉謨

特奏名蔡昌宗

五年丁卯張惟德 楊克昌 陳順孫從易姪 蔡袞

趙誠 柯湜 洪儀儼兄 魯公夔公亮弟 陳積中時中兄 許贊

特奏名蔡黃中 陳舜圃 陳積中時中兄 許贊

陳日宣

八年庚午謝伯強伯景弟 藍圭 藍丞圭弟

景祐元年甲戌陳侁 黃炳 許當 蘇玠 林楨

自幹子 王果 宋穆程弟 蔡巽 柯穎 陳成務

呂璫 儲卿才

特奏名王昊 黃偉 王祐 戴昌符

寶元元年戊寅謝伯初徽姪 張翊 陳汝夔詰姪 陳

宋元 楊洙浦弟 李惟幾

特奏名陳嘉猷嘉謨弟 王公佐言徹子 石震 陳德荀

垂象弟

慶曆二年壬午曾公定公夔弟 丘陞 蔡若水 鄭廣

陳銳從直姪 陳補 侯世儀 許端 童孝揚 陳

械 周萬 李頰俊子 王友直果弟 蔡奕 鄭諤

楊拯 呂喬卿造子 呂夏卿造子

特奏名陳萬 鄭兼濟 李晟

六年丙戌許齊 蘇勉 盧承 王贊宗閔從姪孫 林

季和 王儀贊再從姪 石絳 呂元 陳諮 楊綬

蔡若拙若水楊注

特奏名謝子房

皇祐元年巳丑林獲

曾鯁歸姓林謝仲規徽子楊

久中 楊瑄洙從

五年癸巳陳汝羲 蕭伯儀 陳說 李若訥

李涇 郭綱咸姪李湜

特奏名陳德昭德荀

嘉祐二年丁酉呂惠卿璫子蘇隨璫子蔡海衮子辜

肅 陳龍輔汝奭楊汲克昌張紀汴子陳思 陳

闕

特奏名陳錫

四年巳亥蔡確

六年辛丑曾孝繹軫從弟蔡洙洵弟

八年癸卯呂陶喬卿王裴贊從王鉅

特奏名陳頡 蕭稷楚材

治平二年乙巳蔡碩確弟蘇咸隨弟周密 李伯亨

湜從弟 陳端

四年丁未林臯

熙寧三年庚戌呂升卿惠卿蘇松 王裕民 宋直

方 謝詢 卓天宜

特奏名蔡接 楊璟

六年癸丑呂陽喬卿子黃發 呂厚陽弟許公孫當姪

韓作

特奏名蔡奭 呂鑑璫弟王景純公佐子黃洞 王

安雅 陳濬諮姪鄭聿 許淑 呂伯畋 陳景

弼 陳爽 林鞏

九年丙辰楊勉璫子陳京 盧廣 顏懌 蔡惟

稽 許梁齊子一作果

特奏名江淵 王訪 許琦 吳經

元豐二年巳未陳遇景弼姪蔡彥丕 李球 王覺民

特奏名陳逢 黃節 陳况從易姪蔡亮彥丕父王闢

陳遵逢弟陳昌倫嘉謨子陳楷棫從弟陳宗袞宗元從弟胡

偃 楊拱

五年壬戌李彥升 林師醇積孫陳琳改名高謝若

呂倬言曾孫張及翊從姪

特奏名黃允節從姪楊簡 柯庸 陳簡中 陳肱

陳準况弟郭寓 鄭良 柯宣符 黃琰

八年乙丑楊希冲洧孫楊璞汲姪曾說公亮孫許轂

齊子 林黃中臯子

特奏名陳頌第二人王與楷民兄陳必 陳亘 蘇復

隨兄 陳存 順孫

元祐三年戊辰呂倣 言曾孫 蔡彰 奕子

特奏名陳正卿 吳弼直 楊汶 注從弟

六年辛未戴臨 丁澣 蔡彤 彰從弟 王公濟 許

諒 陳泉 黃冠 兄弟

特奏名辜彙 方奇 陳覺 頌從弟 陳淑 陳復古

紹聖元年甲戌劉鏊 陳圻 梁經 柯炤 宣符子 楊

明述 拯子 楊勣 瓘子

特奏名林廸 王緬 安雅子 李潜 彥升兄 陳對 吳甄

李肅

經明行脩蔡曾 夔弟

四年丁丑陳詢 仇孫 陳詳 蘇伯材 曾誕 公夔孫

張仲友 紀子

特奏名陳範 方齊 謝滂

元符三年庚辰黃曠 冠從弟 高羲 王延世 儀子 蔡翊

曾詢 誕從弟

特奏名宋直躬 直方弟 盧機 黃章 江旣濟 吳

稷 陳鉞 從直姪

崇寧二年癸未呂脩卿 升卿再從弟 吳格 鄭雄飛 廣侄

王傳燮 韓謹 作弟 王介壽 儀子延世兄 林廷彥 陳

宗哲 正卿子

特奏名王孳 景純子 吳騶 陳宜民

五年丙戌郭畚 綱子 謝袞 若弟 呂之才 做從弟 鄭良

弼 林著 儲敦叙 梁熙志 經再從弟

特奏名辜庇

大觀三年己丑丘价 陳駮 補孫 梁熙載 熙志兄 李深

通 楊課 明述兄 曾固 愈孫

特奏名許思誠 陳旆 辜豫 肅子

政和二年壬辰陳駢 補孫 李大老 洪壯 陳康年

林芑 源從孫

特奏名林黃美 徐徽 鄭子元 戴天常 戴

天秩 天常弟 蔡萼 陳希楫 雷汝弼 蔡和中 奭子

五年乙未陳敦仁 徐瞻 黃秀實 陳球 劉

之翰 楊汝賢 王仁壽 景純孫 黃若時 章從弟 羅構

特奏名林淇 王資深 安雅姪孫 王大任 改名待任 楊瓚 洧從

侄

六年上舍釋褐 許列

重和元年戊戌李則 潛子 陳良才 楷從孫 柯楫 林克

陳汝楫 黃駮

特奏名夏式 陳遠 範侄 王賓 張珣

宣和三年辛丑陳元有淑子楊椿年勉子陳孝則况從弟康寧

特奏名王寘 蔡肱 楊蕃

六年甲辰辛永世 王幹 陳元異元有兄劉振

特奏名宋誠彥直躬子張鴻飛 陳甲復古子王緯緬弟

朱文淵 盧直友 顏具懌姪

建炎二年戊申林邁 徐光實瞻從弟陳輯宗衮孫留俊

特奏名柯偶 熊袤 王大任 黃藹允子陳芟

儲敦史 王符待任從弟

紹興二年壬子李邦美 劉康時 歐陽清卿 呂

清夏卿 立會孫

特奏名許祥 陳荀範子葉升 石邦鎮

五年乙卯戴覺天秩子楊宏材 蕭規 林嘉猷

陳之純圻再從侄王維則照侄楊董才 陳元師元異弟

楊時發

特奏名吳中孚 呂秉文之才再從弟陳汝能 楊世

永注孫黃莢允子呂希侁一作吳鄭溥

八年戊午申屠亨 陳斯立 高倬 張搏

特奏名林若谷 鄭國賓 曾世昌 楊通課弟

李安行則弟陳垣 黃民先 黃碩 鄭光祖

陳邦式 陳輔 李若虛 陳得時 黃民師

十二壬戌陳知柔 孝則弟 第四人 陳挺卿 張邦聞 郭

能 紀可久 公傳

特奏名蔡大成 趙天輔 黃秉德 林格 郭

體 林同 曾琅 一作 琅 胡覺 詹猶聖 陳公佐

呂榮義 陳宗禹

十五年乙丑謝安宅 蔡紹 林陳義 陳彥先

徐晉老 謝邦基 徽曾孫 蔡煥 朱世臣

特奏名康獻民 楊孔昭 黃鐸 黃光實 黃

秉哲 陳國珍 陳議 詳弟

十八戊辰陳豐 王宗衡 謝芷 梁南一 林

杆 謝芑 趙伯茂

特奏名陳國老 謝徽柔 許覺 張登 林增

二十一年辛未李毅 史清 蔡息 鄭作求

呂定 復姓 徐 楊齊雄 趙公迴

特奏名黃介 林汝弼 黃濬 陳諧 詳弟 黃彤

二十四年甲戌柯宋英 辜宗堯

特奏名呂旗 謝湜

二十七年丁丑楊夢齡 世永子 高似 倬從弟 郭一飛

孫冀 高伉 倬弟 蔡椿老 若水曾孫 蘇向 陳登 駢子

黃適 李起 趙汝諫

特奏名儲閔 楊頴 蔡楫 陳鎬 宋訓彥

蔡頤

三十年庚辰狀元梁克家熙載從孫 張公顯博從弟 林

外 陳環

特奏名林構 陳宗伯 曾濬 王登 李文紀

方碩 陳耀卿 王韋 陳兼善 李純臣

三十二年壬午釋褐 曾植琅子

隆興元年癸未謝若時 趙公遠公澗兄 魏鼎臣 傅

伯壽 陳曼卿 傅彥成伯壽弟 莊方

特奏名許通 張公煥公顯弟 許驥 李永 儲國

瑞 劉天麟 徐洵美晉老從叔 周南密從孫 楊文卿

楊時登時發弟

乾道二年丙戌陳研詳從姪 陳之筠 朱益 楊林宏

子 楊儻椿年從侄 謝時舉時若從弟 朱子愚 呂實定弟復姓徐

趙彥灤 蔡天若萼孫 高獲倬子一作獲 陳範嘉謨曾孫

特奏名陳輝諡曾孫 呂竝請弟 林宗孟 陳侁 陳

彤 林杲 施實德

五年己丑鄭鈞 郭昭子 鍾元鼎 黃宙 楊

楷之 趙彥為改名彥括 趙伯遜改名伯遜 呂容寔弟復姓徐 蔡

漢傑 蔡温舒 林子輝 柯肱 陳樸知柔

特奏名陳旃 蔡天錫天若 陳義

八年壬辰邵子厚 留定汝弼 莊傳 呂庭堅

特奏名王純臣韋姪 盧宜 黃炳 王公舉

淳熙二年乙未楊炳夢齡 趙師璉 曾恕 陳拜

梁文虎 林昂阜孫 尤鵬 陳升

特奏名黃確鐸子 蔡天均天錫 唐少愷 柯夔肱

徐宗禮瞻子 林猊外從

五年戊戌呂炎 董鈞 趙師逮 蘇養直 王

世績言徹 陳召 林子蒙

特奏名陳穆 林次山 陳頤 高儔禮叔 鄭希

孟 王有祐民 儲杓國瑞 徐宗義宗禮

八年辛丑鍾元震元鼎 王琳 陳謙康年 趙善蔭

趙庚 蘇士鳳 黃禹疇 高禾仇子

特奏名陳綰 林庚 張仲堪搏侄 廖德遠 陳

雷 戴舉覺弟

十一年甲辰趙師瑛 鄭革 陳克勤 蔡寔祭

緝侄 陳孝謙 儲用閔孫

特奏名林奭第二 唐楫 黃忠 詹利正 張才

柯造 彭縝 林左 李宋翰 夏徐 郭洙

戴夢振

昌符再從侄

十四年丁未趙善謚

李天叙

則侄

林克忠

趙

希宰

趙汝章

蔡元秀

陳震

楊昭嗣

林

飛杲子

吳逢原

李翰

特奏名王次臯

林昭序

昂弟

許調一

許嗣

楊持

紹熙元年庚戌趙汝傑

陳元翁

良才曾孫

李宗達

趙

善新

汝傑父

趙汝傑

汝傑兄

陳輝

鄧一鳴

特奏名曾應辰

公亮四世侄孫

林伯山

林伯春

伯山弟

朱

孔陽

夏子排

丘汝阜

陳喜言

黃興詩

秉德

子洪庚

許鈞

洪茂

陳啟

驥子

吳夢得

楊

治鳳

葉廷祐

升孫

楊泳之

楷之兄

王鐸

韋子

蘇振

士鳳

劉振宗

陳朴

張夢弼

四年癸丑謝賜

衮孫

陳晃

趙善謚

善謚弟

趙師瑒

方元震

碩孫

楊士謩

勳三世孫

王冲遠

次臯弟

特奏名郭起

洪祚

賴銳

柯藩

陳山甫

致柔

孫

慶元二年丙辰楊復禮

孔昭孫

趙善嵩

王克

有子

尤

宜中

尤異

宜中兄

林夢宣

徐伯嵩

光實從孫

陳標

良才

孫趙汝儒

趙鄒夫

趙汝佞

陳搏

徐履正

伯嵩 傅壅 伯成子 陳模 模從弟

特奏名張履 吳文發 許寓 唐庚 林弟 鄭衆

王伯脩 克兄 陳昌克 施澤 陳力行 陳懷忠

陳崧卿 林藏機 林冠英 子蒙

五年己未狀元曾從龍 應辰子 趙時和 趙公貺

呂克導 庭堅子 陳孝通 程源 陳磯 研從弟 趙藝夫

楊士宏 士豁弟 呂克廣 克導兄 吳檜

特奏名吳作霖 呂襲 靖子 楊豐 董才子 黃次曾 確子

吳與 唐範 庚兄 黃璵 石寅 蔡嘉 紹子 陳叔

董 吳士先 李三接 純臣子 董康民 吳輿 辜

大卿 方煥

嘉泰二年壬戌陳用 林儒藻 趙汝梧 善謚子 趙希

贊 謝居正 芷侄 陳遵 陳宗衡 趙汝恕 吳

朝章 馬遇 楊儀庭 李興詩 莊士貴

特奏名黃諷 白承休 盧迪 張宏休 戴夢

申 林奕 陳炎

開禧元年乙丑羅知古 陳翊 曾治鳳 從龍弟 王有

聲 陳德新 徐挺 履正從弟 趙偓夫 鄒夫從弟 陳亨辰

黃尹 陳亨衢 楊景陸 吳彬 趙彥佻 黃

應甲 趙汝褒 趙汝音 汝褒從兄 施夢說 蘇凱之

特奏名鄭南一 徐浩 蔡子衡

嘉定元年戊辰楊保中士豁子 洪飛英 紀用可久裔孫 謝

南式 趙公運 楊寅翁炳子 林時中昂侄 王世

英孽孫世績族弟 陳孝仁孝謙兄 林首善杆姪孫 陳嶼

特奏名梁俶克家族侄 陳慶炎 董璫 阮良 高洙

四年辛未鄭思誠 王伯震 蘇思恭 黃樞才

楊斗南齊雄孫 王傳烈 趙汝管汝音弟 趙希瑤 趙

汝樸 趙與例希宰侄 趙汝脩善新子 趙善慶善嵩弟 王

度 謝南 曾子厚恕從侄 劉廣運

特奏名陳汝堅 陳可 陳蒞 陳聞禮

七年甲戌張銳 陳仁爵 趙必魁 趙希絜過

孫 劉崇卿 高行義倬孫 趙希嬰希絜弟 趙汝熊

王節伯震從弟 趙希柅師甥子 趙汝鑿 郭宗履 陳祐

蘇伯承

特奏名周郁 林德進

十年丁丑李熙績 王仲高 吳邁 趙汝琇

曾天麟從龍弟 李舜舉熙績從弟 黃必昌 趙崇伯 趙

善滄 趙希璋 楊萃

特奏名陳立禮第二人 葉準 董禡 張夢龍

十三年庚辰董洪第二人 蔡次傳思侄孫 林叔震伯春姪

王襲龍節弟 蕭蕭之 黃時中 楊驥 陳霖

唐僧介 趙時煥 趙與才 顏若愚 趙希暘

特奏名王叔嘉 黃申孫 蔡朋 林克定

十六年癸未錢宏 王炎震仲高叔 鄭志果 趙必

彰必魁兄 傅齊伯成侄 陳伯璋宗衢弟 柯應明 曾純

林挺嘉猷從侄孫 蘇公永 李麗舜舉弟 趙若武改名若儔時豪

子趙師琇 趙希駮 陳帝臣嶼弟 鄧聖佑以童

陳德復 周敬夫萬四世孫 諸葛寅

特奏名劉銳 黃作霖 許銖 楊泰之 何植

陳起炎 陳倫

寶慶二年丙戌趙汝育汝音弟 蔡潛夫權侄孫 趙善書

善滄從弟 蔡端夫 洪佐飛英侄 洪天錫飛英子 翁日就

趙師鉤 趙師霖師琇兄 趙與秩師鉤從侄 王烈傳烈弟 趙

與與秩從弟 吳洋 趙善燧 趙必循 趙汝卞汝育

兄趙公迄 吳宜濟

特奏名謝發 林及 周元槩

紹定二年己丑魏國梁 趙崇彪汝修子 陳龍用補玄孫

莊元成 楊元龍寅翁從弟 趙崇謙汝駿子 趙希啟希嬰弟

趙希橙師瑁子 趙時實 葉明 趙密夫 王元震

王南一

特奏名王日新 謝駿 黃章 陳時中國珍王從侄

朝瑞 陳用 趙石 陳趾 吳梗 范明 陳

維新 蔡輝 林應甲 朱鸞 陳振

五年壬辰陳晉接第二人 徐明叔第九人 李桂高

宋達 聶德進 趙與綱師璵 趙若憑 趙崇彪汝

子 趙崇龔汝修 趙崇譜汝做 林禧子 趙時儻藝

子 趙必得必循 蔡澤民元秀 卓夢卿 黃有孚

黃朋甫有孚 黃夢烈 董振

特奏名周源敬夫 盧德常 楊景侃士 彭卿月

陳萃一亨辰

端平二年乙未趙希韜 趙若忠若憑 王登冲遠 吳

仲羽 王履信冲遠 趙希穰希橙 張振仲 黃瑞

龍 趙希璉 趙時憲 趙隴夫 趙時勁 林

仲賢 史關

特奏名曾功懋 謝震聲 陳岱 曾邦哲 潘

宗甫 陳允

嘉熙二年戊戌林真子 儲應祥 蔡璞元秀 黃春

卿若時 趙時熈 趙時涅時勁 趙希府 陳德壬

吳克廣且濟 趙奎夫

特奏名洪濯天錫 柯源肱從 方應辰 陳仲丙

淳祐元年辛丑魏國佐國梁魏必大國佐顏若春若愚

弟梁椿選 呂惠濯 趙孟邁與側趙崇玦汝璋

趙孟泳 趙嗣嘉若忠趙孟模 趙時焯時焯趙

時謹時賓王廷瑞 王庚履信謝士鳳 莊與玠

陳需光晉接

特奏名江濤 陳伯良謙孫陳應愷 王廉舉

四年甲辰趙濟夫 趙頌夫濟夫趙崇璿汝雷魏

國龜國梁黃邁倫 趙崇璋汝趙與梨師趙

時樸 黃龜助 王必先廷瑞王履

特奏名王嗣翁庚父陳震龍 陳陽甫 林應炎

王克濟

七年丁未呂中省試第六趙若滄 蘇天民 趙

時焯時焯趙與檣與梨趙時芹龍夫陳銖碩謝

垚 洪天驥天錫王卿雲 趙穠夫 趙霽夫

趙沾夫 王序庚弟朱時中

特奏名李真英 蔡士端

十年庚戌謝夢葉 李應午

正奏鄭桂發

寶祐四年丙辰田真子州司馬叛宋同 林應嘉 呂

兵 趙與遴 趙孟鑑 蔡福嗣 郭龍發 林

聳 趙若晉

景定三年壬戌趙時著 謝夢符 黃克濟 趙必

功 趙時瓚 趙崇道 趙若林

正奏洪劉發

咸淳四年戊辰施沆 林天澤 林沆

七年辛未周鍾 石大祥 趙孟璫

十年甲戌林介卿 趙孟滋 劉叔智

釋褐黃思誠一作承

以上貫籍族系各從其類一依宋淳祐志年月譜

校凡一作某之類皆可勿用喬遠識

薦辟人才賢者雜見列傳中

有傳

曾會子公亮 公亮子孝寬 孝純 玄孫恬

孫誕 註 四世從孫 陳從易 從孫孝則 孝序 從

從龍 用虎 治鳳 王言徹 段全 蔡黃裳


曾會字宗元舉進士第二人廷試日未吳卷上奏御

時蜀人陳堯叟亦有俊譽太宗覽二人文藻敏給不

相差亞釋褐並授光祿寺丞直史館謁告還朝以親

老願補郡遷殿中丞知宣州進士起家之榮前後未

有也祥符末由三司判官出為兩浙轉運使丁謂建



錢塘捍江之後發卒萬餘斬木伐石傾蕩山谷會時
已解漕職奏列其狀有旨中罷歷真仁二宗之世出
入四十五年歷典七郡終刑部郎中集賢殿脩撰知
明州卒子公亮

公亮字明仲少遊京邸有鄰舍客通官錢粥女商人
泣聲甚悲公亮往問故客道所以曰女分途有日父
子之情愴難割耳公亮曰直幾何曰四十萬公亮曰
商人轉徙無恒何如粥我客曰得奉箕帚幸甚公亮
如數與錢約日登舟如期往則已解纜去天聖中登
第第五人知會稽縣鏡湖水溢病田公亮立陟明泄
水入曹娥江田獲利而父會稍鬻爲產遂坐父事謫

監湖州酒稅入爲國子監直講改諸王府侍講授集
賢校理天章閣侍講脩起居注擢天章閣待制特賜
金紫遂知制誥兼史館脩撰爲翰林院學士判三班
院三班吏叢猥非賄謝不行貴游子弟多倚勢請謁
公亮撥前後章程視以從事以端明殿學士知鄭州
郡多寇攘公亮至悉竄他境至夜戶不閉鄭人號爲
曾開門有使客亡囊中物移文求盜公亮曰必從者
也吾境無盜果然復入爲翰林學士知開封府未幾
擢給事中叅知政事加禮部侍郎除樞密使更制圖

籍以周知四方兵數多少登耗三路屯戍衆寡地里
遠近嘉祐六年拜吏部侍郎同中書門下平章事集
賢殿大學士與韓忠獻琦力贊仁宗早建太子仁宗
一日召執政侍從策訪政事公亮條六事以獻皆取
當時所急而便於施行者英宗即位加中書侍郎兼
禮部尚書尋知戶部尚書神宗即位加門下侍郎兼
吏部尚書熙寧二年進昭文館大學士累封魯國公
公亮歷事三朝朝典憲章明習通練矜慎折獄四方
奏讞必躬省覽原情議法謂政事以仁民爲先其志
尤急於去民所疾苦而補助其窮乏年紀雖高精力
不倦二年以老避位拜司空兼侍中河陽三城節度
使集禧觀使明年起判永興軍先是慶卒叛既伏誅
而餘黨越佚自陝以西警備騷然公亮鎮以簡靜長
安豪喜造飛語營卒怨減削謀元夕結外兵爲亂邦
人大恐公亮張燈縱觀與賓佐驩會竟夕卒無他變
居一歲還京旋以太保致仕元豐元年卒年八十帝
臨哭輟朝三日贈太師令謚曰宣靖配享英宗廟庭
及御塋篆碑首兩朝顧命定策亞勲之碑子孝寬孝
純玄孫恬慥懷從子孝廣孝蘊孝序從孫誕註其四
世從孫從龍用虎治鳳

孝寬字令綽以蔭知桐城縣選知咸平縣爲民行田蠲賦除秘閣脩撰提點開府界鎮縣保甲法行民相驚言且籍爲兵孝寬榜十七縣揭賞告捕扇惑者入知審官東院判刑部熙寧五年遷樞密都承旨承旨用文臣自孝寬始擢拜樞密直學士簽書樞密院尊顯矣而公亮尚無恙公亮卒以端明殿學士知河陽徙鄆鄆有孟子廟請於朝得封鄒國公配享孔子連徙鎮以吏部尚書召道卒贈右光祿大夫

孝純字君施用父蔭爲殿中丞賜同進士出身力辭所得官以予族人之未仕者歷二十四年不改秩紹聖中擢太常丞執政沮之遂杜門不仕居家子弟非冠帶不見晝日不得居內男女異席閨門肅辨家無私財別產其子孫獨貧

恬字天隱少從楊龜山謝上蔡陳了翁劉元城諸賢游紹興中仕至太宗正丞漠然自守不詘於奉檜求外祠得主管台州崇道觀有上蔡語錄二卷

慥字端伯初爲尚書郎直寶文閣奉祠博學能詩閒居銀峯集百家之說二百六十餘種用以資治體助名教供笑談廣見聞號至游居士

懷字欽道孝寬曾孫也建炎初爲金壇簿高宗南幸

以攝宰面對奏貸死罪高宗嘉獎令籍姓名知真州
訓習民兵有紀張浚督師大奇之乾道初擢戶部侍
郎奏曰臣不敢進生財之說傷陛下所以愛民亦不
敢進苦節之說沮陛下所以惠下但願量入爲出使
天下財足天下用進權尚書知婺州甫三月召還賜
御書松賦未幾賜同進士出身叅知政事遷左宣奉
大夫代梁克家爲右丞相以其軀體瘦瘠稱量賜帶
爲人宏雅善鎮浮競嘗言當事者視大以小視小以
無天下無事矣淳熙初臺官詹元宗季棠論李杓王
宗已因中懷懷遂求退以觀文殿大學士奉祠續大
理寺根究無實貶責元宗及棠而懷復相未幾以疾
請罷復以崇觀文奉祠卒封魯國公

孝廣字仲錫元豐末爲比外都水丞出通判保州久
之復爲都水丞前此班行使臣部木棧至者須較驗
無失亡乃得送銓監吏領昧謝不時遣孝廣治籍疏
姓名謹去畱一歲歸選者百輩除京西轉運判官入
爲水部員外郎河決內黃孝廣行蘇村鑿鉅野蕩河
北流紆澶滑深瀛之害遷都水使者洛水頻歲溢涌
深齧北岸孝廣按得渡口廢跡濬防殺勢水患遂絕
出提點永興路刑獄陝西京西轉運副使還爲左司

郎中擢戶部侍郎進尚書坐錢帛不給費罷爲天章閣待制知杭州又坐前聘契丹失奉使體奪職尋復之移知潭州胡安國提舉湖北學事舉永州布衣王繪鄧璋文應詔爲蔡京所陷置獄推治衆爲安國危言孝廣往唁退謂僚佐曰胡提舉疑然不動賢於人遠矣加顯謨閣直學士知鄆州竟坐大觀中與胡安國鄒浩忤時相爲御史所論復奪職知饒州踰年徙廣州歷成德軍太原府得故職卒贈正議大夫孝廣所至威嚴爲治獲盜輒碎其手焉

瓜洲潤之京口常之犇牛易堰爲牌以便漕通高既瓜公私便之提舉兩浙常平改轉運判官知臨江軍召爲左司員外郎遷起居舍人時京邑有盜徽宗怒命京尹期出三日不獲坐尹罪孝蘊奏求盜急則益遁匿小緩當自出從之遂得盜崇寧中建殿中省擢爲監居數月言者論其與張商英善以集賢殿脩撰出知襄州徙江浙荆淮發運泗州議開直河以避漲溢沙石之害孝蘊以淮汴不相接此易塞耳及開河河開辭賞不受已果塞以爲戶部侍郎徙工部以顯謨待制知杭州其後坐累連削黜至貶安遠軍節度

副使宣和二年始復天章閣待制知歙州方臘起清溪孝蘊約勅郡內無得奔擾分守阨塞有避賊來歸者護使出境人特以安會移青州既行歙陷道攻杭州賊已破杭孝蘊單車至城下克復之論功進顯閣直學士又加龍圖閣學士卒贈通議大夫

孝序字逢原以蔭補官監泰州海安鹽倉崇寧中以顯謨閣待制察訪湖北邊事還見蔡京於私第論及講議司事曰天下之財貴乎流通取民膏血以聚京師非太平法又論明堂辟雍事曰相公命講筵不得進讀漢史欲舉明主於三代之隆今乃循王莽已行法耶京勃然曰京所行無一毫是耶有意擠之後命

爲環慶路經畧安撫使孝序見徽宗曰臣與蔡京論事不會今當帥事身外孤遠不知所稅駕矣徽宗曰無人擠卿後有奏報第婉其辭使京間者無以藉手既至環慶京下結糴俵糴之法盡括民財孝序曰旣結又俵民力殫已歷䟽其弊京益怒以會師逗遛遣御史宋聖寵詣鄜州追逮鍛鍊其家人無所得第言與鍾傳不約日出師幾誤軍期削籍竄嶺表量移永州京罷相授顯謨閣待制知潭州以論僇事與吳居厚不合落職知袁州尋復職再知潭州道州獠叛孝

序夜遣驍銳率大兵破之進顯謨閣直學士遷龍圖閣直學士知青州繕城練士儲賻金救金人聞有備不敢犯高宗即位遷延康殿學士召赴行在青州民請南都借留許之除資政殿學士山東經畧安撫制置使仍知青州臨朐土兵趙晟等爲亂孝序付將定捕之定失利歸孝序責定力戰自贖不者按軍法定知不免幸敗將斬關入孝序出瞋目大罵遂與其子迪教郎許皆遇害年七十有九贈光祿大夫諡威愍許贈承議郎

誕字孚文元符初孟皇后廢時鄒浩爲諫官誕三移浩書使力請復后浩皆不荅及浩諫立劉后坐黜誕作玉山主人對謂方孟皇后廢時人莫不知劉賢妃將立然天子猶知清議足畏是以四年之後冊命未行予時三移浩書使力請復后浩皆不荅其於易所謂知幾其神與夫知進退存亡而不失其正者去之遠矣然尚能廉頑立懦於百世之下庶幾不失聖人之清世人傳焉玉山主人誕自號也

註通直郎通判信德府虜陷城死之後贈三秩官其子迪功郎

從龍字君錫初名一龍舉進士第一寧宗爲政之授

陞書
簽書奉國軍節度判官廳公事遷兵部員外郎左司
郎中起居舍人兼太子右諭德使金還轉官疏言州
郡累月闕守而以次官權攝彼自知非久何暇盡心
幸而除授民望其至如渴仰飲足未履境又復他罷
矣郡帑所入歲有常數而每易一守供帳借請少當
不下萬緡然則輕於易置公私俱受其病欲望明詔
二三大臣郡守有關即時進擬求避憚行者悉杜絕
之開禧間旬外知信州戍卒行掠境上捕造郡庭叱
縛數輩露索得婦人衣命梟于市召權禮部侍郎兼
中書舍人兼太子左諭德繳還張鉷復官詞頭尋兼
太子諭德兼同脩國史實錄院同脩撰兼國子祭酒
爲吏部侍郎仍兼職兼太子右庶子兼給事中兼直
學士院進禮部侍郎充金國生辰使權刑部尚書嘉
定六年秋陰雨乞放繫囚進對言脩德政畜人材飭
邊備寧宗善其言七年知貢舉進端明殿學士簽書
樞密院太子賓客改叅知政事疾胡榘檢壬排沮正
論奏陳其罪榘嗾言者劾罷以前職提舉洞霄宮起
知建寧府丁內艱除湖南安撫使世忠峒獠讐殺嚴
兵壓境示以威信省地帖然在鎮二年樽式用之羸
卻例卷之入創平糶倉新廟學湘人紀之改知隆興

復提舉洞霄宮改萬壽觀兼侍讀奉朝請端平元
年授資政殿大學士沿江制置使兼知建康府兼行
宮畱守趣過關奏事畱拜叅知政事無同知樞密院
事時有二京之役極論南兵輕進易退未幾言驗進
知樞密院事兼叅知政事以樞密院使督視江淮荆
襄軍馬疏言邊面遼遠聲援不接請並建二閩理宗
許之專畀江淮以荆襄屬魏了翁既而朝論患邊用
不給遲其行有旨畱之樞筦命了翁併領督府從龍
始志不遂悒悒卒理宗震悼輟朝遣使臨奠贈少師
從龍秉心忠實當其顯時史彌遠用事絕不附之其
卒也丞相鄭魏公甚嗟惜焉

用虎字君遇弱冠工詞賦累舉不第以兄任歷知寧
海尤溪縣通判福州紹定中知興化軍時汀邵山寇
數發前守王克恭倡議築城亡何卒判趙汝盟繼之
尋亦卒民間訛言地不利且罷民用虎曰城能死守
耶城而不城將死民也且夫民罷孰與死築之環七
里有竒既完且固其明年乃蠲夏稅之半以樽節贏
餘代民輸納以酬其勞建平糶倉出楮幣萬六十緡
爲糶本益以廢寺穀時其出入使價常平又建三步
泄溉田千頃脩太平廢陂脩陂丞白用虎松性耐水

禮松表石亦可儉用虎曰木不壽石悉石之陂成民
名曾公陂用虎自奉清儉人情贈送土木遊觀悉屏
不用害民豪右必彈壓之除盜竟蹊隧招捕使建守
陳韓以寂聞韓移帥江右請自代除府事改江西提
刑時叛兵甫平支黨反側或勸用虎間道兼程用虎
携孥徐進待以不疑卒帖息承韓蓋寇之後悉力拊
摩江右遂安遷轉運判官召爲吏部侍郎再除工部
起家以華文閣帥廣西至鎮數月罷未幾卒才畧不
究當世惜之

治鳳字君儀少預鄉薦升以遜兄登進士知富陽縣
清字賜之從易知制誥與楊大雅同官初景德以後
文士雕靡相尚從易與大雅守之不變朝廷方矯文
敝稱二人好古篤行故僉進以風天下兼史館脩撰
遷左諫議大夫命使契丹以老辭職請補郡進龍圖
閣直學士知杭州卒從易嗜學強記激直少容喜別
白是非多面折人所著泉山集二十卷中書制稿五
卷西清奏議三卷從孫孝則

孝則字永仲舉進士調東莞尉以薦改秩通判潮州
知莫州代還奏罷涇口稅場除廣南東路提點刑獄
出舶商於死獄居家十餘年舶商至泉中望廬瞻拜

念祖父之風結屋城隅以清名室守王十朋贈之詩
我來聚星地喜見此老成公清不自言藹然著鄉評
時尋訪其室鄙吝不敢萌如覲任棠水似濯滄浪纓
其沒也復哭以詩有心勞撫字陽司業獄喜平反雋
不疑頭白不忘文字示室清宜作子孫規之語子頴
弟知柔

頴字奇之用父蔭入官廉謹世其家知海陽縣盡蠲
無名賦通判興化軍知邕州徙惠州妖覘嘯徒策日
爲變帥臣欲捕以兵頴曰捕則堅其必死不若撫定
之竟就撫改提舉廣東市舶卒

知柔字體仁授台州判官辨釋海盜四十餘人教授
建漳二州兩奉祠起知循州徙賀州知柔與秦檜子
熺同榜檜當軸熺同榜前列十餘人俱致通顯知柔
獨齟齬無仕進意自號休齋居士雅好山水在天台
奉安遍遊名山歸至會稽耽其巖壑留二年乃還罷
賀州留惠陽三年泛豐湖登白鶴峰和東坡詩還叅
福建議幕前後四奉祠諸生從之戶屢常滿寓僧房
四壁蕭然作賦讀經忘其貧老所著有易本旨十六
卷大傳三卷易圖一卷春秋義例十二卷詩話五卷
又有梅青傳詩騷古賦雜著叵慮千百篇書古學弁

圖二卷詩聲譜二卷論語後傳十卷皆行于世王十
朋贈詩我來守清源德星識二陳大陳如金玉一室
清無塵厭世不肯留至今里稱仁儒先賀州守正氣
超等倫胸中包古今筆下真有神唾手取巍科齒髮
方青春聲名滿天下文字驚縉紳勞人暫州縣平步
當要津蹉跎忽至今此志猶未伸真人奉香火蕭寺
含悲辛講席延諸生黃卷呵古人異端斥佛老吾道
鳴孟荀聊藉束脩禮少資囊橐貧我忝二千石二年
牧斯民不能助玉川耻與韓公均知柔卒朱文公祭
之文燾少日遊宦獲從公遊泉漳間蒙公誘掖良厚
其後別去幾三十年去歲之冬復見公相與開懷握
手如平生歡公雖老矣意氣不衰爲我置酒談經論
義篇什間作疊疊不休相與追遊蓮華九日涼峯鳳
凰雲臺之間晝則聯車夜則對榻視公起居食飲叫
呼談噉有非後生所能及者謂公壽考未艾也及燾
之還公復載酒餞我洛陽則慘袂分攜潛然不樂久
而不能平也不謂未及兩月公計遽來嗚呼痛哉公
於諸經皆有論述許以寄我相與考評而今而後不
復遂此願矣

樸字端行知柔猶子也爲江西運司主管文字以薦

八提轄左藏大理寺知漳州樽浮費五萬爲民代輸
身丁提舉湖北常平召除倉部以左司郎官接伴金
使舟行大江中流風暴作金使駭汗樸笑傲自若曰
此天所以限南北者守疆息民則天福之江有神不
可欺也使者悚然擢太常卿除知廣州兼廣東安撫
革弊例帑羨溢受代儲錢數十萬上于朝子金卿知
廉州直卿知英德府第模機

模字中行材氣高邁貫穿經史開門受徒戶屢常滿
登進士中教官科以學行薦除國子正開禧初召試
館時方開邊模對策謂王恢首謀之戮不足以贖僵
尸百萬之寃叅政李壁讀之嘉嘆除秘書省正字校
書郎通判鎮江府改知梅州多惠政民爲立祠改汀
州居五月卒有經史管窺行世子晉接宗正卿機見
韋布

景魏知柔從孫以郊恩補官歷贛州會昌令石城寇
竊發請乘機掩捕郡守然其計破擒之改知潮陽縣
歲解丁銀至郡例增耗曰錠頭錢景魏曰此小民無
窮害亟裁去及解郡守謂不如例械吏欲治之景魏
曰令裁之令當罪守亟釋吏尋歷提轄文思院擢知
惠州出滯囚罪胥魁兵火之後歲復荒歛痛自樽節

葺故起敝上書乞減惠民糴米三之一改知潮州卒
 于英州洪天錫狀其行謂其少不倨老不惰病不昏
 化不怛善人也陳知柔而下舊入永春志但知柔與
 孝則親兄弟不宜分屬故益載晉江
 王言徹字子明知南豐縣有治績擢知邵州歷漳鄂
 滁三郡人皆生祠之真宗祀汾陰郡守例遣子弟奏
 表得推恩授官言徹獨使僚屬往所著有邵南集琅
 琊集

段全咸平五年為仙遊尉下車首務興學遷學邑南
 作孔子廟擬三禮圖作七十二賢像扶植風教作興
 士類自是文風益臻仙邑志至今侈道焉

蔡黃裳字叔文知鳳翔縣鳳翔守有親李號人也
 招權納賄黃裳至縣先縛李傳舍中乃謁守條其奸
 狀置之法一府大驚改知建陽秩滿縣人遮畱許再
 任凡居建八年後為陳州從事致仕因家焉趙抃銘
 其墓宰相確黃裳子也

閩書卷之八十二

英舊志 縉紳

泉州府 晉江縣二

宋

有傳

胡靖 宋程郭咸 謝徽 子季成

趙誠 許當 呂璿 子諒卿 呂夏卿

子科 陳汝奭 子龍輔 蘓隨 宋直方

黃發 林黃中 王公濟 黃冠 陳詳

從任研 蘓伯材 韓謹 儲敦叙 陳康年

徐瞻從弟光實 從孫明叔 黃駢 王寘

王保隆 劉驥子敏求 楊宏才子楸

楊世永子夢齡 侄炳炳子寅翁 陳豐

林彬 梁南一 林扞 蔡忌侄次傳

柯宋英 黃逸 黃適 李起 梁克家

子億 林外 傅自得弟自脩 子伯壽

伯成壅康 伯成子 曾植 莊方子栲

施實德 郭能 鍾元鼎 黃宙 趙悰

趙庚 曾賀孫 高禾 蔡霆發 儲用

陳震 楊士豁 楊中立 陳宗衢 梁克俊

羅知古 徐浩 楊景陸 蘓思恭 莊夢說

黃必昌 董洪 陳霖 鄭至果 王沂之

洪天錫弟天驥 魏國梁 李茂先 魏必昌

梁椿選 呂中 丘雙薦 牟滌 王序

周鍾 林介卿 劉叔智 鄭曾子

胡靖字立之事繼母至孝善屬詞既登第李慶孫黃

宗旦見其弩牙等十賦相謂曰吾與汝弗如也

宋程字公範有文行舉進士第二宰相愛重以為國

器坐剛直忤權貴終著作郎台州通判

郭咸字建泉嗜學通經義筆翰如流尤精法律善草

書篆隸年十九舉進士累遷殿中侍御史改乾州觀察推官未幾復除殿院出爲閩憲卒于官所著有拙庵雜詠等集

謝徽爲漳州軍事推官太守受賄舞法徽据平無所撓州政不敗守亦善去改大理丞知龍溪縣縣人曰是故州從事皆喜賀至則決滯訟剗舊蠹民以便安徙北流縣就知雷州軍事通判福州盡購巨盜悉誅其黨知建州庭無留獄長老紀爲尋知開封之祥符卒自言居官三十九年無小過失實自平生謹畏子季成

李成字子立以父任歷大理評事累遷衛尉丞熙寧初教保甲王安石薦於神宗換西頭供奉官內藏庫使知宜州峒蠻侵叛悉討平之改廉州築城浚防備禦之具爲一路式移融邕二州邕管外寨戍兵歲物故常千餘季成請以峒丁代戍而教之不失守備且可救灰亡咸以爲便卒官邕人祠祀之

趙誠字希中通判撫州州有疑獄守刻深趣上薄暮請判誠知翼日有赦故延讞實黎明赦果至獲免者多知歸州州有淫祠曰巴王歲夕殺人以祭誠毀祠投像于江州東三十里有新灘前後溺載不可計屢

疏鑿有灘大姓射阻險之利輒以游言阻撓誠條奏利害結廬視役既成人號趙江郎所廬祠焉入爲三司戶部判官出知明州卒

許當字當時知古田入爲職方員外乞通判本州以便養後守興化漳建二州並有惠政當能詩與歐陽永叔梅聖俞相善在古田有桃溪五詠陶寫風物之美

呂疇字季玉爲漳浦令留心治教建學延師境內多瘴霧蛇豕之毒教民焚燎以耕一日有市人陳氏死於虎疇立穿虎坑嶺榜曰暴吾民者入吾甯明日甯有虎邑人異之汀虔寇發募民爲兵教以攻守法賊聞不敢犯通判宜州儂智高入寇轉運使檄疇與兵會將二千人躡賊後得首虜爲多爲開封府司錄鞫中人史志聰事吏多爲地疇窮治之終光祿卿惠卿升卿諒卿其子也

諒卿元符中温州軍事推官上書詆紹述新法之非崇寧元年編顛元符章疏姓名諒卿以邪等尤甚入黨籍追官勒停亳州編管御書姦黨碑以賜惠卿惠卿自劾求罷奏乞令出籍詔錄諒卿疏示之諒卿廢錮終身紹興二年贈宣教郎官其家

呂夏卿字縉叔調江陵尉館閣聯章薦爲編脩唐書
官書成遷直秘閣同知禮院仁宗時陳時務五事見
采用英宗時歷史館同脩起居注知制誥熙寧初遷
兵部員外郎知制誥同脩實錄初歐宋二公典領唐
史十七年始成凡預載筆者並遷徙不常惟夏卿與
范鎮自發凡訖于絕筆夏卿又纂新書紀志傳義例
摘二公繁文闕誤目爲唐書直筆新例一卷唐兵志
三卷又集天下碑刻爲唐文獻信考歷代氏族譜志
爲古今系表會議脩仁宗英宗正史朝論皆屬夏卿
乃以積勞致疾乞閒出知潁州得奇疾身體日縮卒
時纔如小兒子科

科字德中嘗撰唐史音義六十本以進仕終建雄軍
簽判

陳汝奭字公武舉進士調遂安令知邵武軍後知海
州歲饑發賑不俟報爲監司所劾汝奭請以身坐母
累僚屬朝廷置不問母卒歎曰不及養矣隱居不出
子龍輔

龍輔字寶臣知建昌軍秩滿棄去集古今忠孝德義
爲子孫法子孝友孝恭孝威俱第進士而孝恭有盛
名自汝奭徙居丹徒孝友輩世爲丹徒人矣

蘇隨爲博羅令棄官歸鄉葆神鍊氣不與俗接號紫雲先生其卒也端坐而逝

宋直方字順中知鞏縣縣有橋水歲敗之直方疏橋柱以殺水怒益伐石爲堤役成一邑以爲利使者以率斂劾直方移知王屋直方雅好山水之勝旣至召家人曰某日當爲物外遊至期盥洗正坐歿

黃發元豐初知龍泉縣脩學訓士邑由是多聞人

林黃中字伯玉父臯爲建州理椽靈活獄囚不受賞格黃中登第調永豐尉有張生者貧負租黃中出俸密代輸未幾張擢第遷歸善令有僧院與豪民爭田並持嘉祐契券歲月皆同先後令不能決黃中立辯之知彭城縣治甫半歲獄空盜絕部使者以聞朝命嘉獎

王公濟字經國年十八舉進士歷知瑞安縣盜方臘攻浙東諸邑直趨縣境欲遂窺閩中公濟募士練兵與尉梁公範躬擐甲胄九十餘日賊至不能動最後悉衆來公濟張大旗陣中曰福建路槍杖手槍杖手福建最義勇兵也賊望見以爲閩援至卽引退賊平代還卒有司上公濟功官一子瑞安聞公濟歿市哭累日廟祀之

黃冠字元功與兄允允特俱有才名試福建漕及
 太學皆魁選第進士晚任于朝克棣華宅諸王府教
 授嘗賜俸資百金將以買田歸老一夕盜揭篋去笑
 曰是亦羽化耳歸寄僧舍簞簾布幕圖史左右詩酒
 自娛與李文肅邴往來酬唱卒年八十七允特奏補
 官

陳詳年十八登進士為劍州推官尚書黃裳妻以女
 未幾女亡裳故挈女裝歸以觀其趣詳殊不省視乃
 盡反之歸以其娣終通判濠州從侄研

研字叔幾舉進士官臨汀言乞弛鹽禁民免於計口
鹽商益權貴欲引為御史先諷以排擊故相研曰鄉議

不可犯故相不可彈以忤意去提點湖南刑獄永有
 富人吝於施被乞人毆死官吏利其賄反抑死者家
 為誣在理十五年研平反之徙計度轉運使屬州故
 有鐵纜錢悉除之曰鐵纜久廢何錢也召為起居郎
 平生精通經學詩書易禮皆有解

蘇伯材字廷構知潮陽有富民殺其任女吏為密懷
 黃金三十斤求母入狀伯材立械治之籍金于官事
 連縣佐眾為請寬伯材曰國法也悉案治部使以聞
 特詔褒異擢知韶州時憲吏橫甚嘗誣執翁源民為

盜以倖賞因賂縣官梁格就獄殺之伯材廉得疏論
格坐黥配吏竟伏辜有文集周易解義三十卷從兄
珍珍子松俱登進士松與東坡唱和有文集一編
韓謹字去華調南海尉改宣議郎除處州教授著詩
禮義解上之辟龐長貳稱獎援之於朝召爲國子博
士改除廣南東路提舉學事自巡尉未再期擁使節
一方前未有也旣罷歸會朝廷緝熙典章大開禮制
復除編類御筆所編類官兼禮制檢討官一日抗章
謝事誥及門家人曰何素不見說謹曰說不諧矣同
僚剡奏請留朝廷還以舊職未就卒

儲敦叙字彥倫丞永福龍溪宰寧德皆有惠政素性
閑退奉祠館十年通判賀州秩滿復請祠居里閭內
典拉名僧友善李文肅歷官三十餘年屋無增椽田
不遺畝有玉泉集

陳康年字季昌知海陽潮陽二縣損俸貸逋運私穀
濟飢當路交薦通判潮州攝州事黎寇犯境嚴備卻
之歷官二紀公廉如一日潮人以與陳堯佐先後爲
別駕稱二陳焉孫謙興化軍教授

徐瞻字德望歷理官三任知海陽縣以平恕治人稱
徐佛通判廣州臺閩交薦當得郡坐與秦檜同年進

士不肯謁見遂不得調杜門十五年觴詠自適守周
蔡取治獄陰德子孫必興之義名其里曰興德從弟
光實伯嵩子明叔

光實字德充知海鹽縣歲旦放獄囚歸省吏白恐亡
去曰我誠遣之必誠應皆如期至嶺表少廉吏光實
知英連二州一介不取焉

明叔字伯晦舉進士辟江淮制幕秩滿幹辦廣漕清
節益勵除太學錄通判漳州以廉聞知英德府徭寇
不敢犯召爲國子監丞潮寇起命知潮州捕戮渠魁
除直秘閣江右憲歲歉發義倉賑民遷戶部侍郎改
兵部會元兵南下憂憤卒明叔學有源委與洪天錫
齊名人稱擇齋先生

黃駟字公碩居父喪芝產靈堂前其葉累百調尉崇
安有鄭簿廉貧卒官傾囊贖之終南劔州通判

王寘字季達遊太學大觀初與同舍生陳朝老等上
書論蔡京坐遷自訟齋十餘年宣和三以特奏名
補官嘗有詩云耕田博飯未爲辱爲米折腰眞可憐
高卧北窓風颯至更於何處覓神仙

王保隆宣和中知莆田縣開永豐塘於鳳凰山下民
獲其利

劉驥字德稱以父鑑廕仕至欽州守篤學好老氏所
著有老子通論子敏求

敏求字好古紹興中爲大理評事面對言比年監司
郡守有以一章而舉二人甚至三四人前所舉者未
用後來求者復舉之名曰改舉黷害風教莫此爲甚
乞申嚴法禁無故而改重寘以法從之累遷刑部侍
郎明律令刊定新書平治大獄皆有始末以秘閣脩
撰知南劍治行尤異改臨漳卒于官

楊宏才字稚遷調龍溪尉獲盜法應改秩不願就用
薦者陞改累階朝奉大夫晚奉祠居里號顛真居士
有覆瓿集十卷子楸

楸字楸之知永福縣休澣乘小車行阡陌訪疾苦入
提轄權貨務以卒初宏才官四十年殖產錢僅八千
且以遺澤先慮遜弟及楸復以奩田遜其弟眩鄉人
義之弟中立字南強知龍巖縣捐俸築南隄民賴利
焉終知貴州楸子剛字時父峭直能文詞朱文公稱
之終贛州理椽有集二十卷

楊世永祖注廣東提刑載宋前志佚其事父偶令長
泰有文學世永割股愈母尉端溪寇駱科犯郡境世
永貫楮鎧佩兩刃跨羸馬獨出伍長激其徒曰汝輩

不可負官人相率從行二舍許遇賊戰歿兵皆號哭
力戰無生還者時官廨中無他子侍僅僅一子夢齡
年十四耳詔錄官加承務郎官夢齡而夢齡以讓兄
真文忠以義列表其墓

夢齡字子壽既讓兄官後舉進士調瑞安丞攝縣事
歲疫聚食病者千餘捐俸資爲藥粥日親察視悉賴
以活開復塞河數百里後宰藉以冒賞終不言調知
平陽屬河下流歸海斗門頽壞水溢泄俱爲患捐錢
五十萬首其事秩滿當路交薦欲處以六察遽卒于
旅舍邑人聞之罷市舉哀哀金入都扶携以還兄子

炳

炳字若晦父桂齡清海軍簽判炳少力學精左氏春
秋累官左司諫論治賊吏當自大吏始且謂大臣不
爲私則小臣不敢干以私臺諫不爲私而後可責人
之私累遷中書舍人權吏部尚書時邊釁寢開與鄧
友龍異議遂乞外因疏論用兵之害開禧三年除寶
謨閣直學士奉祠卒年八十一爲文渾厚簡古有易
說禮記解西掖類稿諫垣存稿雜著號儵溪居士子
寅翁

寅翁字仁仲穎悟強記手不釋卷舉進士以親老奉

祠十年爲文純麗豐贍應博學宏詞寘高等授宜黃令以大臣薦召命下而卒弟茂元會稽令

陳豐字元齡少有場屋聲銓闈廣漕俱魁選兩試詞科時輩稱之子开舉進士登有文名字畫尤精與王十朋友善

林彬字彬之家世孝義彬蚤預薦有文名免舉當上春官母年高不忍行時楊寅翁累請祠侍父真西山以溫陵二孝目之晚以一尉終

梁南一字力行居鄉講授從遊甚衆有六經辨疑行世

林扞字廷植舉進士調歸善尉獲盜十餘人自守寬其罪不希賞格轉肇慶教授帥林孝澤扞故人也持節行部不入官舍而館于肇慶之學守貳以下謂帥親扞具來通牒求薦扞携牘語孝澤曰公宜他徙母重困我孝澤啟牘曰他具無論守汝上官吾當薦之守聞持金詣扞謝扞驚曰何使君待我薄扞居里故人爲船屬來訪見扞一室蕭然惟案上圖書數軸從容謂曰仙居海濱豈無可委諭者扞曰此言何爲至我遂不復謝謁遷南恩州簽判卒于官

蔡忌字誠叟忠惠襄後也弱冠預薦舉進士尉莆田

職事外篤於文學校文三山發策邃深與選多名勝
士論皆服再調化州教授隆興初諸老留意人物遐
壤小官名聞中朝陳正獻黃端明王尚書皆以職劾
薦甫改秩而卒姪次傳

次傳字崑省寶慶中任漳州司戶叅軍雅爲危守楨
所器嘗餉之私錢不受而以建公廳淳祐初知仙遊
興學作士增學廩勸農桑以政蹟聞累太常少卿

柯宋英字子飛紹興十八年太學補試餘二萬人宋
英第一後舉進士教授四明除國子正遷本監簿出
知梅州州有程旼南齊時隱君子也程鄉所繇名縣

矣宋英闢齋曰景程任滿獄無死囚代還三奉祠館
挂冠納祿杜門謝客州縣稀識其面鄉士無少長皆
以鄉先生稱之卒年八十六

黃逸字德後紹興二十三年知興化縣政本至誠尤
崇學較建議道堂日集諸生講論刮磨時主簿顏思
魯尉葛元樵皆知名之士邑號得人

黃適字德夫以詞賦稱治東筦不苛而辨帥意縣有
餘藏會適謁府遣椽攝其職椽奉帥意籍常賦爲羸
以獻它日府責賦適報椽已輸矣府欲再斂耶帥服
之因薦其治狀秩滿擢守新州

李起字伯時舉進士家居奉親堂對朋山名曰鎗玉
守王十朋爲賦

梁克家字叔子以廷試第一授平江簽判金王亮歿
衆皆言可乘機進取克家移書陳俊卿謂敵雖邊遁
吾兵力未振不量而動且有後悔俊卿以白丞相陳
康伯嘆其遠慮孝宗卽位召爲秘書省正字遷著作
佐郎時災異數見克家奏宜下詔求言孝宗從之克
家遂條六事語甚切直累遷起居舍人使金金以中
朝進士第一敬待之卽館宴射連數十發中的金人
來賀慶會節克家請金使入朝由南門百官由北門
從者毋輒至殿門外以肅朝儀詔定爲令郊祀有雷
震之變克家復條六事遷給事中凡三年遇事不可
執奏無隱嘗奏陛下欲用實才不喜空言夫空言誠
無益然以之爲懲則諫爭路絕願有以開導之孝宗
欣納因命條具風俗之弊克家復列四條曰欺罔苟
且循默奔競孝宗手筆獎諭乾道五年拜端明殿學
士簽書樞密院事明年叅知政事又明年兼知院事
克家在政府與虞允文可否相濟不苟爲同允文主
恢復朝臣多迎合者克家數密諫不合力丐去孝宗
曰兵終不可用乎克家對曰用兵以財用爲先用今

不足何以集事孝宗曰朕將思之詰朝而諭曰夜思卿言誠爲至當八年詔更定僕射爲左右丞相拜克家爲右丞相兼樞密使允文罷相克家獨秉政雖近戚權倖不少假借而外濟以和張說入樞府公議不與寢命俄復用說怒士夫不附已謀中傷之克家悉力調護善類賴焉議金使朝見授書儀時欲移文對境以正其禮克家議不合遂求去以觀文殿大學士知建康府陞辭上以治效爲問克家勸上無求奇功旣而三省密院卒移牒泗州敵不從遣泛使來舉朝震駭後二年湯邦彥坐使事貶天下益服克家謀國

之忠尋丁內艱有言其當軸除吏之戾者落觀文殿大學士服闋提舉臨安府洞霄宮久之淳熙六年起知福州在鎮有治績趙雄奏欲令再任降旨仍知福州召除醴泉觀使九年拜右丞相封儀國公十三年進封鄭國公逾月而疾命以內祠兼侍讀賜第在所存問不絕明年疾愈入謝御製詩賜之有真儒良臣之褒尋以其年卒年六十一手書遺奏孝宗爲之垂涕贈少師謚文靖克家爲文渾厚明白自成一家辭命溫雅多行于世子億

億字伯安以父任補官累遷主管西外睦宗院通判

福州襟度夷粹毋秦國夫人剛嚴奉事無違博親師友講學不倦嘗著論語集解上之進官一秩孫均通判信州

林外字豈塵祖知見常布外游太學工詩詞嘗題吳江垂虹亭人以爲不食烟火語他日衣鶴氅衣徃西湖題詩雪中旣去人皆驚歎以爲仙筆紹興末第進士仕至興化令所著有嬾窠類稿

傅自得字安道其先濟源人以父察使金見殺從母居泉用父歿事得補承務郎三監潭州南嶽廟乃爲福建路提點刑獄司幹辦公事使者李公懋性剛介好面折僚吏獨屈意待自得委以訟牒間相見則摘事問之自得具條委折至姓名里居一無所遺公懋自是舉一司事取決自得漳浦有華齊賊漳州兵捕之及其黨與以獻安撫司以便宜指揮檄憲司悉斬之自得爭之公懋公懋乃命悉械繫諸縣分鞫之誅渠首數人而已丐閑得主管台州崇道觀秩蒲通判漳州事太守劉才邵始謂自得年少及見其處事精明馭吏嚴整而文詞敏妙歎服語人曰吾有傅君始知爲郡之樂時山獠跳踉未已而太守與統兵陳敏不相能餉或不繼軍幾變自得調護其間且爲移書

轉運判官得錢二萬緡以贍其軍敏及軍士皆感泣
思奮群盜竟平臨漳公帑歲時例外致饋守貳甚厚
自得悉儲於外以給賓客費通判泉州洗手奉公不
私毫髮受代造朝民皆遮送差知興化軍剖決無滯
訟暇日延禮邦人士大夫之賢者相與追隨文酒郡
以大治初秦丞相檜以自得忠臣子年少能自力學
問有文詞通吏事遇之甚厚然亦疑其剛果負氣不
爲已用故雖使之連佐兩郡然皆銓格所當得召試
博學宏詞科又已奏名而故黜之及泉代歸乃間語
自得曰故事三丞得通用陰補人而丞宗正者例以
玉牒奏篇得爲郎公之文今從臣中名能文者所鮮
顧公太剛耳自得嘿喻意以母春秋高力請便郡歸
養丞相以是始怒而其黨文或陰中之是時資序已
應典州復得興化軍以歸自得旣朝辭行有日矣會
通判衢州汪召錫者告前知泉州趙令衿誹謗且有
及丞相語臺諫徐禧等交章論奏事下廷尉秦丞相
因以上旨命自得體究令衿在泉時納賄事自得以
嘗同官辭丞相不可念前已有少隙今又力辭必重
得禍貽母憂不得已奉命行至泉按事十得一二卽
不復窮竟然猶慮或爲異時累則見故樞密黃公祖

舜而問焉黃公曰事端幸不自我加之以恕可也自得然其計既上其事又爲請得毋更置獄會廷尉獄成令衿已坐譴奏上不過追納所受金而已方事作時戶部曹泳刑部韓仲通實王之兩曹符檄日四五至督趣甚峻已丞相歿泳被逐仲通恐禍及已乃以體究事劾自得朝廷亦知非自得首事姑下置對而仲通章再上遂罷自得郡事自得在郡不半歲罷去之日父老邀遮涕泣其賢士大夫有追路越境慟哭而別者後兩年諫官挾舊怨復以前事爲言遂奪官徙融州爲民自得念前日本以母故不敢力辭體究

事今乃反爲母憂聞命卽卻酒肉屏媵御獨與一浮圖人偕行至融杜門讀書益大覃思文章融人皆敬愛之而中州人士官其土者亦皆以文字求指教居四年會黃公給事東省知自得前事首末力言於故丞相魯國陳文恭遂以上聞得內徙潮州未幾聽自便孝宗登極復故官右通直郎時魯公猶當國欲寢用自得乃先除主管崇道觀以言者罷乾道初元始申前命未幾樞密林安宅又力薦於朝且具白前枉除知漳州又爲言者所持事中寢未數月以少傅福國陳俊卿薦遂再除知興化軍陛辭論尉利捕盜之

賞妄執平民有至論死不能自明語未竟孝宗遽曰
今之儒者例以不殺爲仁然殺人者死自得徐舉皇
陶宰經之言爲對孝宗卽連稱不辜不可時朝廷方
議重盜法以自得一言而止自得至興化治郡如前
時郡復以大治會丁母憂辭自得性至孝以奉母故
仕宦未嘗出閩中在漳時官舍有池亭日奉母忽有
珍禽彩羽數十容與水上母甚愛之一旦飛去母不
樂數日自得與其室共禱神明日復奉母池上則禽
亦皆復來集比自得去迺已竟不知其所自來亦莫
有能名之者服闕再除知漳州奏事稱旨留爲吏部
郎中力丐外除直秘閣福建路轉運副使陞辭玉音
褒諭且云素知卿風力閩中多賊吏故命卿往行召
卿矣自得卽奏治道去泰甚閩中去朝廷遠吏不奉
法取其甚者一二治之亦足厲其餘孝宗首肯之旣
至治大率以愛民爲至至其保全下吏非有民訟不
獲已亦未嘗輕有所按治其不勝任者奏請以祠祿
略如前奏孝宗語然其視候極精明風采可畏愛吏
亦不敢犯也建寧闕守自得以郡屢易將帑廩空乏
且歲頗不登乞選能臣治之孝宗素知自得卽除知
府事事無不辦治有累歲不決者一經手立辯且後

無能易者移知寧國府以清靜治復爲福建路轉運
副使臨安闕帥孝宗命執政選有風力者爲之執政
擬二人進孝宗獨指自得先是自得嘗以事過三山
副總管曾覲先來謁曰聞公名久矣因自誦其詩數
十篇且請自得誦近作自得辭以憂患廢忘時其亡
往報之及爲郎復嘗遇於客次覲詫數從官曰某人
某人嘗辱來訪公獨見鄙何也自得遜謝而已竟不
往及將使閩部閣門官子弟有使本道而召還者以
職事來謁自得往報之延自得便室則覲及從官數
人皆在時方置酒自得飲一卮辭腹疾退於是翰林
承旨亦以入直辭諸人皆有赧色覲大不樂自得退
謂諸子曰仕宦當自結天子次當繇宰相安能俯首
此曹邪改除兩浙西路提點刑獄公事上章乞閑不
允得移浙東兩浙號封畿多有力者部使者例不案
事自得入境受訴牒日數千紙一一親剖所至決遣
囚徒臺無留事至於糾剔愆違繩治姦墨或望風解
印綬去頃之復乞祠得主管冲祐觀秩滿復除知寧
國尋罷歸自得性高簡不妄交人居泉五十年讀書
奉親外杜門而已州太守之賢者如宋之才王十朋
周葵皆高仰之而自得月不過一詣郡每留語談說

道誼而已識慮高遠機警絕人少時聞朝廷奪光世
軍更遣儒臣代將歎曰必且敗事亟移書刑部侍郎
曾開請如唐罷馬燧郭子儀等擇其偏裨授以兵柄
開然之將白宰相未及而酈瓊等叛書已聞矣虜寇
淮甸自得以書抵黃樞密論備禦方略因策虜有十
敗且言其變必自中起書至不數日虜酋元顏亮果
爲帳下所殺少爲李文肅所奇妻以女從學爲文
得其指授旣長益從當世先達遊灌漑刮磨其氣骨
雄健而關鍵謹嚴波瀾浩漑而語意精切丞相張浚
及尚書左丞葉夢得翰林汪藻中書舍人張嶧尚書
郎新安朱公得其文皆愛重之而汪尤歎賞第自脩
子伯壽伯成

自脩字勤道紹興中監泉市舶務宿弊去八九秩滿
番商來者爲貪吏所困商號泣岸下或詰之曰昔有
官人主我于思而白今不見此矣繇福建機幕除提
舉福建市舶番商舉手相賀知潮州海寇猖獗招降
之請于朝籍爲水軍賴以控扼海道累官直寶文閣
將漕江西卒

伯壽字景仁弱冠偕弟伯成登隆興癸未第又中教
官科乾道壬辰試博學宏詞繇三館知道州簡伉自

負當國者抑其進繇吏部郎官出守漳入爲中書舍
人直學士院累遷禮部尚書出守建寧召除翰林學
士進端明殿學士簽書樞密院事以疾丐外知寧國
府請祠卒伯壽少時自負不錄錄嘗和泉守王龜齡
詩有曰名節士所重當如護晴腦立朝與行已本末
要可考居常讀書日以寸爲程當沉酣痛快時至不
知饑渴寒暑初以學詞進侍郎黃鈞稱其文猶濯錦
蜀江而相國虞允文亦比之璞玉加琢異時研索日
精濟蓄日富談笑戲劇輒成文章至其爲詩有三百
餘韻者其守建寧時真文忠以諸生問作文之法伯
壽曰長袖善舞多財善賈子歸取古人書熟讀而精
甄之則蔚乎其春榮薰乎其蘭馥矣晚登朝廷議宗
廟大典禮援據敷析出入經史百子袞袞數千言雖
漢儒以禮名家者未遠過也子度監建康府權貨務
嗜學好文有文編史記真文忠公爲序之

伯成字景初尉連江疏築水利試中教官科授明州
教授日與諸生論質往復慶元初爲大府寺丞進言
呂祖儉不當以上書貶朱熹不當目以僞學又言朋
黨之弊起於人主好惡之偏坐與權臣意不合出知
漳州以律已愛民爲本推文公遺意而遵行之遷工

部侍郎時權臣方議開邊伯成言天下之勢譬如乘舟歲月既久罅漏寢多苟安旦夕猶懼覆敗乃欲徼倖圖古人之所難臣則未之知也相府災同列相率往唁或謂偶然伯成正色曰天意如此官師相規時也遂陳三事一曰失人心二曰隳軍政三曰啟邊釁言甚痛切進右司郎中出爲湖廣摠領嘉定更化召對面諭前日失於戰今日失於和策雖主和尤宜備戰除戶部侍郎左諫議大夫在職餘五十日抗疏十三皆軍國大議史彌遠與左相不叶或致彌遠意謂將引以共政伯成謝曰吾豈傾人爲利者疏奏乞詔大臣以公滅私左遷權吏部侍郎以集英殿脩撰知建昌府進寶謨閣直學士通奉大夫致仕理宗卽位陞直學士落致仕予祠伯成辭免乃進昭明天常扶持人極之說寶慶初以先朝元老召尋以寶文閣學士提舉佑神觀奉朝請大理評事胡夢昱坐論濟王寃狀貶伯成疏栝不報加龍圖閣學士提舉鴻慶宮復辭年八十四沒疾革手草遺奏端坐而逝贈開府儀同三司謚忠簡所著有竹隱居士集三十卷奏議十卷羣志六卷伯成純實無妄表裡洞達樂稱人善語及奸邪則詞色俱厲早執經朱文公之門真文忠

序其兄子度文稱其昔倘佯盤谷竹隱間聆大坡議
論蓋濟岱典刑之舊伊洛源流之正悉萃於公其見
推如此子壅康

壅字仲珍知崇安縣聽訟得情吏不能欺增築舊堤
以防水患增糴均惠倉粟以備荒歉買田益學廩立
義塚塋露魄最召累遷大理丞知南劍州改漳州治
如其父邦人安之徙撫州乞祠端平初以都官郎召
未造朝卒

康字仲孚少受學孟父伯壽爲文贍典用父任知古
田縣猾胥匿簿書賦入日少康籍胥家出所匿按
得實邑計以饒召爲司農丞知汀州徙南劍州祠堂
祀周敦頤張載程顥程頤司馬光陳瓘楊時羅從彥
李侗朱熹廖德明黃幹諸君子籍廢寺田入書院以
贍生徒端平中累遷司農少卿兼右司諫習熟典章
理宗甚材之督府挾重權多難從之請引誼拒却朝
倚爲重晚知袁州直徽猷閣致仕

曾植字子直太學上舍生用孝宗登極恩釋褐累遷
勅令所刪定官司農寺丞輪對言用人之道不當以
南北文武二其心又不當以腐儒之故廢棄真儒復
言勅令所刊乾道新書三事會大理丞闕孝宗諭執

政曰曾植久任勅局深曉法意向輪對奏劄甚耿耿
姑以是命之求補外知南劍州陞辭奏言二事請擇
監司拒關節勿用小人孝宗大悅出示執政改知湖
州未赴卒

莊方字邦直歷富沙鎮官莆守擅放民租詔漕司覈
實王佐委方往方援汲黯矯制以對謂減放皆實惠
守得釋爲福建機幕知昭州瓊管政尚蕪靖後叅議
京西卒子柟

柟字子脩以父任補官辟信陽州判官攝守事虜圍
城與戰破之改羅山令依萬弩關築山砦虜至扼關
擊之擒其木牌郎官通判江陵築海櫃八隘口十三
又增三海益兵守隘以時停泄知峽州終江東叅議
官

施實德官簽判有瑤林閑居集

郭能乾道三年爲古田丞遷承議郎賜緋魚袋以論
語中庸闡明奧旨啟剔後學戶外履常滿

鍾元鼎字和卿歷知鄞縣尚愷悌恥操切賦輸不時
臺府諒之終通判福州

黃宙字繇仲居鄉講授從游多名士有論孟解詩文
雜著

趙棕字彥忠父思誠為泉守即家焉棕與朱文公善為福建運管以鹽法病民請恤竈戶均敷額歲衍鹽二百萬斤知惠州惠前號豐郡後覆窘棕曰必吏欺也覈之得米斛七千緡錢五萬公入既羨斥其餘惠民治以最聞歷提舉常平卒于官子誼好學能文聚書萬卷終知富陽縣說守南恩州

趙庚字叔初歷廣西常平幹官久不調嘉泰初相臣有研席之舊移書諸司津遣入都將以學官處之時韓侂胄用事引疾力辭親舊交勸不答帥蔡戡除次對庚以詩賀之曰腰金不足為公重懷寶無瑕乃席

珍哉感其言遂乞祠歸後客五羊廖槎溪為帥尤加敬焉及卒貧甚黃以寧哀金塋之

曾賀孫字景卿

一日荷孫字素卿

淳熙中為懷安簿方弱冠

薦知崇安縣蠲合戶錢歲二百萬邑罹水災募舟濟溺為粥哺饑便宜發廩自輟餐錢償之民遮道言狀於行部使者竟以勤勞卒

高禾字穎叔知仙遊縣恤僧寺省泛科築下頓橋免人病涉知惠州創楊梅大奚二寨命鄉總聯比保伍以禦暴客陞提舶改提舉常平召著作丞積遷兵部郎官卒子漑通判汀州

蔡靈發字子飛以邑最登朝主管官告院卒隱居白石學行純篤所著有家訓集鑒

儲用字行之知建陽有惠政朱文公亟稱之會黨禁起罷去後再道縣縣民擁用車大呼曰此儲長官我輩共尊之可範可模擢守興化移襄陽鄧民樊快明率衆來附制司約日欲勦之用爭于朝謂勦之不幸不勝則吾代虜受旤約回陷之歿地則吾代虜受怨他日豪傑謂吾戮降必其以讐虜者轉以讐我是吾代虜受讐復貽書制閩力言制閩大志以是罷歸時海盜犯泉境用與郡守真文忠叶謀親抵海島圍捕獲其酋首餘黨遁去直文華閣知廣州未上卒子耀

知雷州

陳震字省仲知甌寧縣歲旱勸分捐俸爲倡再令新建適更新楮以帑積舊券代下戶輸租通判饒州知韶州攝憲節卻臺府例券數千緡召除軍監器丞遷太府丞奏乞減二廣丁錢繕邊郡城壁填諸州軍籍乞祠歸有春秋解史編雜著數十卷

楊士豁字伯達起家寧德丞知長溪縣以清簡稱晚知連州未赴卒士豁丞寧德時寧德令媚忌之及令劾去民遮道戟罵留其裝士豁衛令出境知長溪時

尉年少氣盛小不憚輒捶縣吏既而謝過士豁曰長
溪尉治長溪吏何謝爲子保中字和卿爲文典瞻折
理充長登嘉定申科寶慶初下詔求賢大臣多以應
詔知長汀縣卒楊炳誌士豁墓欲知其廉視其居欲
知其志視其仕欲知其法視其子

楊中立字南強知龍巖縣有惠政

陳宗衡字伯可歷潮州教候官令通判肇慶府知新
州卒博學能詩而踈吏道閩帥胡榘嘗以職事督過
因覽和詩擊節稱賞遂加敬焉

梁克俊字叔明知循州脩城葺學循人祠於縣治

羅知古字子隆知建安縣通判興化軍有名鄉校居
官清廉

徐浩字東之爲汀州推官事繼母盡孝寢疾累年扶
掖不離中希廁踰躬自浣濯如石慶矣

楊景陸字伯淳博學強識講授經史鈎玄提要生徒
常數百終建寧司法有春秋漢唐通鑑史志解

蘇思恭字欽甫祖尊已以學行著于鄉思恭嘉定戊
辰禮部奏名候廷對聞晷戚亟歸至辛未始賜第常
從陳淳蔡和游篤意朱學踐履堅確除興化軍教授
以禮義之實革詞藻之華陳宓諸賢推重之調韶州

教授有省齋文稿

莊夢說嘉定七年尉仙遊下車究心職業年餘吏民畏服田里靜帖歷官大理寺

黃必昌字京父登進士判循州故從陳淳學又切磋於陳宓潘柄二賢有中庸大學講藁

董洪字穎實爲太學正遷博士乞外通判南劍就知州事嚴身奉法勤撫凋弊蠲役錢苗米萬計創峽陽濟糴二倉以待歲歉遷延平書院於邃塢以教士設劍浦弓兵營以居軍卒士感頌

陳霖字傳叟紹定中尉瑞金盜發江閩迎敵力戰被執繫以去不屈遇害

鄭至果字子剛舉進士授福清尉丁內艱有芝產墳調永福丞連帥聞能治劇檄攝閩永福二邑皆治改建昌令刷前令預借之數給鈔還民脩學宮造輿梁政教具舉時邑有蛉患至果到官遂息且產瑞麥改知梅州州屢易官諸務墮闕至果閱實脩舉百廢俱興嵯寇出沒郡境戒嚴擒其兇渠境賴以安

王沂之字春伯祖幹宣和中進士有聲沂之以門蔭知新州有惠政將去民遮留累日帥瓊筦却例冊錢貸民租臨卒以曾祖秉嘗立義齋延師誨士其中

廢遺命子起震成之起震闢齋舍南捐田三百畝爲
束脩且餽親而貧踈而賢者真西山守泉善之爲定
規條表曰王氏義塾姪南一紹定間擢兩科以太學
博士判漳州能文章

洪天錫字君疇舉進士授廣州司法丁內艱免喪調
潮州司理帥方大琮辟真州判官留幕府改秩知古
田剖決無留按誅倚王邸勢殺人者調通判建寧郡
大水擅發常平倉賑之擢諸司糧料院拜監察御史
兼說書理宗寶祐間宦寺肆橫簸弄天綱外閫朝紳
多出門下廟堂不敢言臺諫長其惡天錫來自孤遠

莫知其爲何如人乃手疏以正心格君爲說且曰臣
職在憲府不惟不能奉承大臣風旨亦不敢奉承陛
下風旨朝端耳目一時聳動次月囊對言古今爲天
下患者三宦官也外戚也小人也按入內內侍省東
頭供奉官幹辦內東頭司董宋臣宦官之貪黠者也
金緣坐寺豪奪民田密召倡優入褻清禁樓攬番商
大開賄賂不斥宋臣必爲聖德之累將作監謝堂外
戚之貪黠者也狠愎善於凌物攫拏旁若無人不可
以備中殿宣索則曰當取教旨豁除椒德令芳天下
備頌不去謝堂必爲宮闈之累集英殿脩撰知慶元

府屬文翁小人之無忌憚者也神臯流毒屢玷抨彈藉衣錦威行攫金術今又移其剝越者剝郢矣民怨而不敢言以其依憑王邸耳不去文翁必爲王邸之累乞將宋臣逐出堂姑予祠文翁罷黜臣九隕不悔疏上理宗力護文翁天錫力言之理宗命大臣吳燧宣諭再三天錫力爭謂貴倖作姦犯科根抵蟠固乃遲回護惜異日勢燄愈張紀綱愈壞雖欲治之不可得已理宗出御札俾天錫易疏欲自戒飭之天錫言自古姦人外雖憑怙心未嘗不畏人主之知苟知之而止戒飭則憑怙愈張反不若未知之爲愈章五上出關待罪於是中書年子才右史李昂英交章留天錫乞行其言乃令堂自陳乞祠除職與郡宋臣自乞解罷令首尾了日解職文翁別與州郡差遣仍命吳燧勉回供職會立夏日天雨塵土奏乞屏絕私邪休息土木以弭天災按劾少監余作賓后戚謝栾懋頊之復疏都知盧允昇門司董宋臣及內司諸吏怙勢作威奪民田伐墓木等事留中止令尚書省契勘內司爭田伐木等事及罷諸吏職事而已太宗丞趙崇嶠上時相謝方叔書今日闔寺驕婪特甚宰執不聞正救臺諫莫敢誰何天錫以一孤立察官銳意出功

此豈易得側目數日寂無所聞公議不責他人而望光範不然倉卒出御筆某人除少卿此時大丞相要不可謂非我責者翼日果有御筆洪天錫除大理少卿而天錫去國矣大學生池元堅上書數二璫之罪乞留天錫既而三學亦皆有書左史李昂英再有封事越數日除天錫太常少卿而天錫已在汶上矣朱應元繼爲御史首劾昂英公論大爲不平同舍生作書責之時方逢辰在館閣亦上書方叔勸以去就力爭而方叔不能用公論既不能勝二璫乃簧譖朝廷謂內司爭田伐木詞訟皆臺吏受賄以強察官之罪所以誣罔聖聽况臺吏家資極富若使簿錄其家儘可上俾國計於是竟降宣諭指揮令諫官丁大全追上御史臺點檢楊升金永隆楊叔茂牒送臨安府根勘籍沒家財各行黥配以快其憤焉初意欲令臺胥妄供以污天錫賴理宗察其姦而止未幾方叔亦坐罷相而二璫猶未大快復厚賂率履齋上舍生林自養裁書投匭以攻方叔爲名而實力詆天錫於是學舍鳴鼓攻之且上書以聲自養之罪天錫雖去顧終宋之世闖人不能竊弄主威者皆其力也景定辛酉起廣東提點刑獄五辭明年起知潭州尊先賢祛宿

寇踰年大治直寶謨閣遷廣轉運判官決疑獄劾貪吏治財賦皆有法召爲秘書監兼侍講以曠辭陞秘閣脩撰福建轉運副使又辭度宗卽位以侍御史兼侍讀召累辭不許乃疏所欲對病民五事曰公田曰關子曰銀綱曰塩鈔曰賦役又言在廷無嚴憚之士何以寢姦謀遇事無敢諍之臣何以臨大節人物稀疏精采銷喪隱情惜已者多忘身徇國者少進工部侍郎兼直學士院加顯文閣待制湖南安撫使知潭州改漳州皆力辭又明年改福建安撫使力辭不許亭戶買塩至破家隕身者天錫首罷之復罷荔支貢召爲刑部尚書詔憲守之臣趣行無虛日不起久之進顯文閣直學士提舉太平興國宮三降御札趣之又力辭踰年進華文閣直學士仍舊宮觀尋致仕加端明殿學士轉一官疾革草遺表以規君相度宗震悼特贈正議大夫謚文毅所著奏議經筵講義通禮輯略味言發墨陽巖文集宋周密撰齊東野語曰近世敢言之士雖間有之其終始一節明目張膽言人所難絕無僅有惟溫陵洪公一人而已公在閩閩嘗書桃符云平生要識瓊崖面到此當堅鐵石心蓋其剛毅之義未嘗一日少沮也弟天驥

天驥字逸仲少有異質貫通經史嘗割股愈祖母疾
初尉建寧折獄見稱一言而定久隙之民尤以文儒
課士捐俸興學行政尚寬裁之以義邑多豪猾廉其
尤桀黠者麗之法政聲爲諸邑最上官交薦其才擢
大理寺丞知潮州與天錫齊名

魏國梁字君用爲番禺推官陳三鎗寇河源國梁以
帥檄挺身諭降道斃事聞加贈官其後一人

李茂先紹定六年教授南恩州真文忠爲文送之稱
其爲人金玉又言其父昉先亦教授南恩皆爲荒服
所宗

魏必昌字世復初尉懷安年尚少有豪家訟田久不
決必昌折以禮法兩豪皆服移興化司法叅軍持廉
壁立有新貴人挾中官勢羅織仇吏囑必昌獄斃之
且脅以危語必昌不爲動劉克莊贈以詩稱其守法
防身勇比仁人而嚴於處女

梁椿選以省試經魁登第有文學之譽歷官通正
言寓居安溪作湖山書院學者多從之游

呂中字時可歷沂靖惠王府諸王官大小學教授輪
對言當去小人之根革賊吏之弊遷國子監丞兼崇
政殿說書奏乞晚輪二員說書夜輪講官直宿以備

顧問又言進講經史乞依正文進讀不宜節貼避忌
 不惟可察古今治亂亦以革臣下諂諛之習又言人
 能正心則事不足為君能正心則天下不足治尋以
 兄卒無後請假歸葬明年以秘書郎召丁大全忌其
 直徙汀州在汀暮年演易為十圖景定中復舊官卒
 著皇朝大事記治迹要略論語講義

丘雙薦景定中為古田令公謹廉已嚴於御史古田
 自留元亮置貢士莊雙薦捐俸益之

牟濬字叔清咸淳二年知潮州除盜去奸加意脩學

王序字景禮少與兄庚齊名兄弟繼擢咸淳進士授

尤溪尉歷知長泰縣清脩自勵方正不阿時郡僉慎
 預徵大禮銀及打量田土文移甚峻序白郡力爭之
 郡守文及翁愈加敬任後攝守惠州瀕海無城堡海
 寇騷繹人有虞心序浚濠塹團保伍得代歸宋亡矣
 遂徜徉丘壑以終其身

周鍾字君與授南劍州判官安靜愛民卒于官及歸
 葬行道之人皆為流涕

林介卿尉漳浦調羅源令不畏強禦細民愛之如父
 母改知龍巖縣巨寇出沒脩西寨募民儲穀教以弓
 弩斥堠精明鏤朱文公諭俗榜之旌孝門復歿事卒

于治所

劉叔智以字行尉金華獲盜不肯受賞改廣州錄參帥臣年壯氣盛僚吏莫敢可否事叔智據款正救後知閩縣士民頌之通判吉州請祠江萬里力荐于朝召主管官告院輪對言天下大勢與當時急務有勸使謁鄭清之者謝不往清之再相叔智坐萬里黨劾罷

鄭曾子字子可弱冠有文聲咸淳十年試兩浙寓太學景炎丙子隨蹕三山以迪功郎為潮州司法未行泉州降元元左丞蒲壽庚薦授梅州路治中不受閑居終身平生倜儻急義樂道人善是非曲直必當於理郡縣士大夫有疑難事必造訪焉

元

至元二十二年壬寅鄉試周文通

後仕同安教諭
僅此名可攷

薦辟人才賢者見列傳中

有傳

陳信惠

趙甫瑀

諸葛泰

弟晉

王應祚

陳信惠字孚中以才能應帥府辟從錢帥平漳寇累功授山魁澎湖蘆溪三寨巡簡轉南安主簿陞南豐州判官省檄攝同安尹轉惠安多惠政調順昌縣尋

以老疾謝事自號邊翁有中齋等集

趙甫瑀字榮卿宋宗室子也領鄉薦除知寧遠廉介有守愛民禮士人稱政教任蒲改新城以母老表辭歸侍得旨改福之閩清母喪服闋以疾辭歸

諸葛泰宋廷瑞之後父元中以人材辟舉仕松江同知泰少聰敏有學行以父蔭授汀州路明溪巡檢未幾告歸居家力學經傳與義多所發明今四書大全諸儒姓氏列泰名弟晉

晉字仲昭以明經授中書行省簡較省檄分治尤溪縣鋤艾豪強有蕪能稱首復朱文公書院之沒入豪

家者豪家利僧田有之晉悉取還僧以其半充書院贍士是歲書院池吐瑞蓮二產瑞草五士民為圖刻石記其事 明興徵聘不仕坐以前代故官謫居穎遂卒于穎子瑤見常布子文見 皇朝縉紳

王應祚字舜卿泰定間令邵武縣廉溫直諒文而有材新縣治葺學宮恒以陳古靈令仙居者教民

